

救劫回生


卷四

仁人君子好善為先廣傳
神訓功德無邊所刊實事足植
心田勿置高擱致褻
聖仙如或不閱請送他賢敬相
勸化福祿絲絲

聖王祖海外
急救扁方

陰騭三篇

風陵文庫
文庫19
F325
4



救劫回生四卷目錄

署長洲城隍序

雷都察諭並修齋須修德文

弋陽城隍序

武帝諭

孚佑帝君勸信文

文帝諭

土神詩共三首

雲遊大仙詞

雲遊大仙話

抱樸老仙歌

廖將軍語

武帝諭讀感應篇總旨

孚佑帝君詩共九首

呂帝戒氣歌觀音大士詩

三帝賀語

附錄感應覺世陰騭三篇

救劫回生

卷四

目錄

馬元帥批讚

附錄警世寶誥二篇

孚佑帝君歌

增刊靈驗記

桓侯假字文

果報錄

孚佑帝君諭

共三篇

藥方

往生錢圖式

並刷命法

呂帝及眾仙跋二篇

呂帝八字論並詞

聖帝命諸生跋五篇

署長洲城隍羅序

且夫刑政可以勸化一時經典可以勸化萬世
 聖朝不賞民勸久道化成宣出一十六條講約鄉邦
 其黜異端以崇正學所以正道統也啟孝弟以
 重人倫所以正綱常也隆學校以端士習所以
 育人材也重農桑以足衣食所以厚民生也他
 如和鄉黨以息爭訟教子弟以禁非為所以化
 刁頑而杜邪偽也重其稱曰
 聖諭實欲人服教而畏神也隆其名曰廣訓實欲人

救劫回生

卷四序

家喻而戶曉也

諸聖諸神闡出救劫回生一書而其正道統者有文
正綱常者有文育人材者有文厚民生者有文
及化刁頑杜邪偽者有文是皆本

聖諭之所勸者而勸之也人見此書互相勸勉同歸
化道正己而尤必正人獨善而尤必兼善則我
勸人改過而我之過自不敢不改我勸人遷善
而我之善愈不敢不遷將見以神之勸我者因
以我勸人以我之勸人者更以人惕我神道也

即王道也神教也即聖教也人其遵乎

神訓無負乎

聖訓也可

時

聖清同治十年辛未十二月朔日亥時署長洲城隍
奉

三帝命降著

江右弋陽城隍羅序

上帝以仁慈育萬物而亦施雷霆之威
聖主以德惠化萬民而亦有刑政之用其所以賞罰
並行者無非欲人改過遷善化斯民為純良也
奈人心偷薄左道徧起不盡五倫敗壞三教富
者驕奢貧者刁詐以及洋煙賭博殺女溺嬰者
種種惡孽難以枚舉回生一書分次誥誡善則
勸惡則懲其文之懇摯也既予人以可慕其義
之森嚴也又予人以可畏諸神不憚勞苦正代

上帝以宣化為

聖主而救民也。今有任生父子及某某等彙集刊刻廣送遠傳吾願世人身體之力行之聽其勸而變化之將朝廷以之教士民而回生為勸世之書者家庭以之訓子弟而回生為傳家之寶也

時已

聖清同治十年辛未十二月朔日亥時弋陽城隍奉
三帝命降著

孚佑帝君勸信文

今夫信則民任。帝王以之建中。信以成之。君子以之
處事。皆不事要結驩虞智術巧詐。而世已知其心矣。
獨是信也者。發天理之真情。維人倫之大要。是故君
臣有信。而後政教行。堂陛之間。悉昭誠意。而合上下。
君德備。臣心明也。父子有信。而後慈孝孚。家庭之間。
靡以疑貳而起猜嫌。父道尊。子心誠也。夫婦有信。而
後禮法嚴。閨閣之地。均以肅敬而卻輕浮。夫綱振。婦
道順也。兄弟有信。而後手足親。伯仲之間。悉以友恭

而懲疏慢。兄恩寬。弟職謹也。朋友有信。而後信義洽。交際之中。純以真誠。而篤氣誼。爾無詐。我無虞也。如此。而信之重於綱常也。豈苟焉而已哉。無如世於浮誇。人尚欺詐。夙昔同心合志。轉瞬復虛。平居指日誓天。翻身即變。或為財物細故。奸詐忽生於崇朝。或為口角微嫌。偽妄潛滋於幽獨。甚至兩情相惑。攻訐因而日起。一朝致忿。爭鬪於以日生。不過啟口亂言。致使禍端頻發。出言不慎。遂至仇忿日深。機械變詐之風。澆漓浮薄之世。皆由此不信之弊而生之也。嗚呼。

掛劍盟心。吳季子情深慕義。投金示信。伍大夫義篤踐言。古人之明心見信。良有以也。今世風不古。人情趨偽。信之義久湮沒而不彰矣。特降鸞書。以懲斯世。爾世人其各遵行。

今人論信。皆祇知朋友則然。而不知君臣父子兄弟夫婦。亦莫不然也。吾今闡明此理。爾世人須知信之義當慎重。無悖信滅信而壞五倫也。嗚呼。爾世人可體吾之言哉。

壬申四月二十九夕

土神詩話 萬國恩輝滿。皇天德所昭。鈞音來翠輦。

協氣仰青霄。從此迷津悟。由斯浩劫消。以書為性

命。直使百靈朝。吾本境土地是也。少刻總理劫

運事。並查察陰陽善惡功過事務。雲遊火仙降。

雲遊仙話 吾乃雲遊子是也。奉師及二帝命來此。

將生等所備黃紙回生書。吩示焚王上帝金母。及

各神位前。焚書儀注未錄生等宜速辦妥。少時三帝降。

崇甯宮各將軍報 吾乃前部周 吾乃後部闕

吾乃左部廖 吾乃右部王 武帝駕臨

桂香害列仙報 吾乃王元帥 吾乃斗口魁星

吾乃蘇 楊 袁 杜 吾金甲神 吾天龔星

吾地啞星 文帝駕臨

普佑真人報 吾乃洞陽周隨呂帝駕臨

廖將軍語 吾奉武帝命曰。吾自道光庚子年正月

十五朝謁上帝。見帝震怒。命各凶星惡煞。降災於

下民。吾不忍。邀同文帝呂帝及大士等。跪奏通明。

七晝夜。上帝准旨。命吾等飛鸞開化。但數十年設

壇者多。所降之文不少。奈始勤終惰。多有不能成

者。此事自前年上元日。吾考察人間善惡。得見此

地設壇。稍有誠意。故吾輩臨此。幸生等有志以成

其事。於去歲又有任生等有志補刊。今獲全成。吾

心慰矣。吾道行矣。劫可救矣。生可回矣。以此論之

皆諸生之功也。吾各賜酒三杯。可飲之。

孚佑帝君詩話

半是詩銘半是元。從容細說度人篇。同修大德歸純

粹。共候佳音唱採蓮。

此書自庚午至今已經三載。方得告成。吾心喜之極矣。但此壇初立。有半信半不信者。有全信者。有心疑者。吾費盡心血。方成此美舉。生等亦立不朽之功也。吾與二帝各賀語一聯。

武帝曰。存心救世。真誠不二。人皆若此。應獲天庇。文帝曰。修身立品。正士端人。造成昆玉。以作兼金。吾賀曰。革面見天。奉持貞堅。福緣善慶。勉旃勉旃。

再賀詩一首

垂書降筆已三秋。造成五鳳結仙樓。天教佳節全功

果。時際奇緣得佛榴。宇宙流傳千載績。岱恒鎮奠幾生修。諸生勵此圭璋望。異日瓊京共快遊。

吾不久留。隨同二帝上奏通明。少時命雲遊子。引

爾各祖若父一會。

土地報 雲遊仙到 各生祖父到 訓各生語未錄

雲遊仙語 吾奉師及二帝命。邀生等祖父來壇。吾

去。爾祖若父亦去。少時馬天君奉玉旨來壇。

金闕馬元帥語 吾乃金闕元帥馬是也。奉玉帝之

命。來此批之。

此書五旨勅下。凡有叩許印送。事急則急刷。事緩則
緩刷。諸事叩求。總要刷送。行後。方可照例施行。誠心
叩求。無有不驗。吾讚曰。

日月煌煌。光徹宇宙。此書精英。乾坤靈秀。巍巍聖功。
羣黎普救。稽首讚文。天高地厚。

金闕元帥兼察人間善惡總理劫運事務馬恭讚
帝命在身。吾復旨去。

土神訓 三帝訓生等之言。切勿忘卻。倘一失足則
深可惜矣。吾去。撤。

孚佑帝君歌

以後均係補降

日也心憂暮也心憂。看看夕陽不我留。一番隱情畏
三秋。千層楚水浪滾滾。萬點巫峯雲勾勾。何處笛音
奏。迎俺下玉樓。遨遊世界。徧覽山邱。只見那熙熙攘
攘去不返。昏昏暗暗來不休。作奸犯科。搜盡囊籌。四
關時貪戀。八德不講求。枉神聖開壇闡教。洩盡天機
把世救。叮嚀告戒。奇方搜。真詮妙諦。參不透。空空高
駕度人舟。反得訛謗到處有。世道愈汚流。機械變詐
桀驁人心似戈矛。生民終難救。皆屬名利囚。銅蔽已

深陷溺。欠故充。刳運四大州。且看那父子不相見。妻兒撒手丟。一朝龍虎鬪。神鬼愈添愁。劫懸眉睫。猶不悟。永慘陰司坐地獄。要得翻身轉。三千五百秋。吾今臨壇略指透。海水運灌太子頭。三教合一細研究。有緣種子早補修。赴龍華。松杉遊。點落黃庭。離填坎。抽妙妙。立立三孽盡。空空色色六塵丟。無人無我。不沈不浮。內外工夫速積。當體聖謨。皇猷待到功善成就日。自然同步瀛洲。自然同步瀛洲。

桓侯假字文

嗚呼。今之天下。一假之天下也。咱奉帝命。歷查塵寰。見爾等熙熙攘攘輩。子臣弟友。徒有虛名。聖經賢傳。視如具典。耳目心思。強為貌襲。忠孝廉節。莫非色莊。如水底之月。鏡中之花。有其象者無其物。如夢裡富貴。畫中山水。有其情者無其事。如天際煙雲。空中樓閣。有其名者無其實。若是者謂之假。然天下事非盡可以假字例之也。帝王事功。聖賢學術。豪傑經綸。生人綱紀。蟠天際地。上下同流。其載在史冊。膾炙人口者。直與乾坤為終始。烏乎假。仰而視之。日月風雷。著

求去回生 卷四
於天者赫赫在上。俯而察之。華嶽河海。列於地者。明
明在下。推拓而廣覽之。草木禽獸。魚鼈蛟龍。散布於
山水間者。朗朗可徵。又烏乎假。然。咱非謂天道假也。
天道不假。假在今之戴天者也。咱非謂地道假也。地
道不假。假在今之履地者也。亦非謂人道假也。人道
不假。假在今之為人者也。嗚呼。今天下誰是不假也。
歟。元首之尊。亘古不易。敢有僭號而稱玉為君者。假
也。股肱之義。存心勿欺。忍有一身而二主。為臣者。假
此。竊玉偷香。滴血種之。非類。為父者。假也。冒姓亂宗。

雜蘖旁入本支。為子者。假也。待異姓若同胞。而手足
反不若陌路。假在為昆弟者。視野驚如家雞。而琴瑟
反不如花柳。假在為夫婦者。宴酒肉有交遊。而急難
究不如兄弟。假在為朋友者。為農而假也。圖產則假
推力薄。匿租則假託年荒。為工而假也。售技則造淫
巧之假器。挾恨則埋壓魔之假人。商賈而假也。假斗
稱假貨物。假招牌。件件設為假行。為士子而假也。假
仁義。假道學。假衣冠。事事做成假態。人仕宦者。功名
可假也。紳衿不嫌銅臭。習科甲者。文字可假也。鎗冒

救去回生 卷四
大顯神通。為吏役者造假票。刻假印。假勢假威。愚民
面前做假派。為僧道者。化假緣。煉假丹。假慈假悲。真
神案上燒假香。為婦女者。假髮辮。假頭脚。踵事增華。
看不得假模樣。為娼妓者。假脂粉。假色笑。賣嬌弄艷。
說不盡假殷勤。學異術者。矜隱怪。以駭俗。夜聚曉散。
裝幾個假神仙。伴遊食者。結黨羽。以害民。三朋四友。
呼一些假兄弟。使奸使詐者。裝假瘋癲。埋假棺材。捏
假命案。做來無非假圈套。不文不武者。像假行武。做
假斯文。稱假善人。看去都是假排場。掛兩幅臉。面目

亦假也。用二面刀。心腸亦假也。聽他說句話。言語亦
假也。看他走步路。氣派亦假也。滔滔者天下皆是。如
看一場假戲。蚩蚩者大呼不醒。如做一回假夢。嗚呼
今天下假而已矣。爾曹不自知其假。聖教不能化其
假。王化不能革其假。咱等痛念及此。悲憫為懷。萬不
得已。假乩像以挽世。假冥鸞以傲人。其事假。其迹假。
其言其理不假也。有人曰。降像假也。飛鸞假也。遊冥
假也。臨乩假也。久假而不歸。烏知其非有也。但願下
民莫仍蹈前假之習。即加咱等以假之名。咱亦不遽

卷四
三
降雷霆也。如其違諭。咱真有丈八矛。只怕世人假不
到頭。

癸酉四月十四夕

土神語

生等慶祝呂帝聖誕。吾時纔同值日功曹

稟明。候二刻。呂帝降。

孚佑帝君語

吾年年有此日。歲歲有今朝。諸生何

得有此誠意。吾自晨至今。有羣仙慶賀。忽有本方
土地叩見。言生等設壇。吾念爾等一念之誠。故同
眾仙來此。

孚佑帝君諭

嗚呼。宇宙之廣也。人類之紛也。君子之少而小人之
多也。可勝悼哉。大抵君子者理也。小人者欲也。君子
之行事。以名分為主。以綱常為重。內而家庭。外而鄉
黨。上而朝廟。下而州邑。無不中乎禮節。協乎道義。是
以君子能修身。能修身即能成身。成身則百世不朽
矣。若小人則不然。小人之舉動。惟利是趨。知有利而
不知有害。知圖利而不知保身。況且以名分綱常為
故套。以身心性命為廢物。日在塵世。昏昏慵慵。與酒

色為緣。與財氣為伍。故自古迄今。埋於荒草。死於溝壑。子孫絕嗣者。不勝數計。此即小人之行也。此即小人之局也。吾今說明君子小人。剖晰義利。合壇宜為君子。勿學小人。庶不枉吾經年之告誡也。諸生勉乎哉。

吾自庚午迄今四載。見諸生行事。可為真誠無二。非獨有功於一人。亦可免此地瘟疫。吾隨帶眾仙人去也。

七月十五夕

土神詩

人心不悔奈如何。敵入中軍尚枕戈。寶筏

一航撐世界。迷津渡出見天河。吾土地是也。候

一刻。呂帝降。

孚佑帝君諭

夫天之降劫也。非天之不慈也。人作孽而觸怒天耳。然天猶不忍遽降也。故先降於牛馬以警人心。而人不悟。復降於羊豕以教人悔。而人不懼。不得已降極惡人。大加顯應。以一警眾。而世人以為不及其身。猶不知懼。所作過惡。反有愈於平日者。如此。上天雖極

仁慈。究不能為稔惡者寬恕也。災害之臨。誠如是矣。由是觀其慘者。皆言悔矣。而又不知從何悔起。祇知以齋懺悔。以經懺悔。却又不能誠心奉行。惟是築臺設壇。樂音紙紮。喧喧鬧鬧。設像供齋。謂之懺悔。如此懺悔。是欺己也。是欺神也。是欺神可以禱媚。賜其福祿也。豈知斷斷不可哉。大抵天之所以鑒人者。惟此心耳。人能誠心遷改。不假偽貌。亦恕其已往之愆。註將來之福。若一派欲心。陽則懺悔。陰則欺詐。匪特不能免罪。而且反加罪也。爾世人。愚孰甚焉。

吾纔自地官處飲宴。路過此地。見生等今歲往生。錢污穢甚多。未免有始勤終怠之意。可聽吾吩示。不宜焚於四散。吾命人查去污穢。方可發行。

再示爾等知之。往生神錢。乃三教會議。奏明上帝。故告知爾等。刊刷焚倘。不獨保一身一家清吉。而且可保一方平安。可將此板圖式。錄刊書後。善人見之。以便照錄刊刻。此囑。吾去。

往生經錢圖式並刷印法

此錢有三層。內一層係解冤神咒。中一層佛字往

生咒外一層。往生救苦經。其刷印法。用白芨煎水。調銀硃。用黃表紙印之。必須點畫分明。字字清朗。再用錢紙一張。夾內折之。計其數若干。或朔望先夕。及中元節。誠心具稟。在土地前焚化。倘稍有破爛。及一字模糊者。宜去之。

丙戌正月二十九夕

孚佑帝君八字論

吾嘗觀古今天下。人如家道窮困。子孫貧乏。青年天喪。白首孤獨。謂我生命運不辰。八字安排者。屢屢矣。

試思子午未判。難定陰陽。申巳相刑。原屬涇渭。甲木輕而庚金重。不易欣欣向榮。丙火少而癸水多。終難生生不巳。戌兼卯會。兔遇犬。而有窟難藏。寅並辰生。虎逢龍。而無威可畏。乙生於春時。身強力壯。有辛丑則雕琢堪資。壬產於冬日。本固根深。無戊己則堤防安在。至於未屬金羊。酉類木雞。亥與坎義相同。丁與離卦不異。苟執是而論。豈難窮盡五行。定終身之禍福。推算四柱。判畢生之吉凶乎。然而君子不謂命人有性焉。蓋人得天地之正氣而生。孝弟忠信。禮義廉

恥。此八字乃性中所固有。若能保全天真。何難勝命中之八字耶。故夔夔齋慄。感親者克居帝位。溫溫為人。敬兄者竟為司馬。太公盡臣道於暮年。位超百至。季布存真誠於方寸。諾重千金。元公尚節文能闡職理之經典。桓侯仗大義。克輔炎漢之乾坤。楊震矢畏金之廉。名傳萬古。伯夷存采薇之恥。頌揚千秋。此一派古聖先賢。建功立德。若是者果命中之八字使然乎。抑性中之八字使然乎。斯人觀此論者。自必了然於心目中矣。人能從此高着眼孔。辨明得失。勿棄貴

而臨賤。休從輕而遺重。方與古人有深契焉。

十一月初六夕

孚佑帝君詠黑麋峯詩

步上麋峯忽近天。巍峩宮闕創雄關。叶清崎嶇古迹迷荒草。曲折清溪宿野烟。風轉山腰雲蔽日。雨吹石壁嶺流泉。峒崕峭壁衝霄漢。到此凡夫也是仙。

漁樵耕讀詞

漁。漁。漁。活水清渠。心無慮。樂有餘。身家孤艇寄。事業一竿舒。也不提三尺劍。也不讀萬卷書。說甚麼子陵

動生象說甚麼太公載後車。曬網恰趁人歸後。沽酒多逢月上初。人世紛紛忙若許。一生清閒只有漁。樵樵樵。林脚山腰來還往。暮復朝。乾坤雙手舉。事業一肩挑。也不知黃葉落。也不管綠雲飄。說甚麼王植將棋看。說甚麼買臣把書瞧。花間聽鳥歌聲起。燈下圍爐樂事饒。人世勤勞忙若許。一生平安只有樵。耕耕耕。東作西成。乘節候。課雨晴。綠苗千畝秀。黃雲一望平。也只想桑麻熟。也指望禾稻盈。說甚麼大舜為虞帝。說甚麼后稷肇周京。年豐那有飢寒歎。日暮

惟胡其誰聲。人中弊馳忙若許。一生飽煖只有耕。讀讀讀。連篇累牘。八斗才。五經腹。天人在一心。宇宙豁雙目。也不怕夜囊螢。也不妨朝削竹。說甚麼貴人白玉堂。說甚麼富者黃金屋。文章瀟洒萬緣空。筆下風流諸事足。人世焦愁忙若許。一生快樂只有讀。

丁亥四月十四夕

土神詩話 祥雲一片自西來。喜氣宜從善地開。生等虔誠祝帝壽。吾為引導上鸞台。吾乃下方土地是也。本境土公下車伊始。不知其由。要吾作一

引導。吾故來此。生等宜虔誠伺候。少刻。呂帝降。
孚佑帝君詩詞

呵呵酒酒酒。春已去。夏方來。瀛洲閬苑醉瓊盃。烟
影起。信香催。鶴飛乘興下塵埃。只為諸生心善培祥
光瑞氣繞壇台。

詠月詞

一缺又一圓。天中太極是誰懸。古往今來長一色。團
團不知玉兔多少年。丹桂子分外鮮。冰清玉潔光無
邊。照徧天涯無盡處。圓圓嫦娥宮裏悟嬋娟。

初聽布穀一聲鳴。已見農人戴月耕。春雨隴頭泥滑
澆。夕陽牛背影斜橫。長犁短鍤趨南畝。白水青秧繞
近城。只等秋來書大有。家家擊壤頌昇平。
詩敲酒醉趁芳辰。月下花間笑古人。棋局一盤生指
霧。琴音幾响絕心塵。是誰識得書中味。與吾同傳書
裏神。紙筆煙農翻墨浪。硯田水湧一犁春。
吾自今春以來。聞爾等有重刊回生書之意。吾心
甚悅。即與文武二帝商之心亦甚喜。但目前之板
訛字太多。此書傳於別省。知者曰刻者之過。不知

者曰文墨不通。必非三帝真言。每聽日遊神報知。殊覺生厭。今爾生等有志童刊宜大家努力助成。吾當臨壇親閱訛錯。俟完功之日。吾與文武二帝。自然一一奏明。大小計其功德。今夕欲邀二帝同降。均不暇臨。少刻武帝命雷都察使一降。

天下都察使雷諭

吾自祿奴叛後。堅守城池。力圖報効君恩。殺賊扶唐。以救國難。不料賊眾我寡。糧盡力窮。城陷受害。然一靈不散。猶招集陰卒。殺戮無算。上帝憐吾忠義。授吾

為天下都察使之職。故吾巡徧九州。按察愚良。夫護善滅惡。固吾本志。而滋害招魔。災逾往古。雖凶由天降。而惡實因人積。况當此時。劫運未消。稍有失足。即入網羅。奈愚夫猶不知悔悟耳。倘能悔悟。將人改過遷善。天心亦必轉禍為福。是理所必然者。

修齋須修德文

齋之為言。齊也。齊其所不齊。而致其齊也。蓋人心不無或偏。惟齋則正之。行事不無或過。惟齋則裁之。如此之齋。齋身也。齋心也。齋善也。齋之義最微密。敬以

臨之。齋之道最精深。誠以格之。此而曰齋。不愧齋也。自世人不明修齋之理。至昧修齋之原。原何居德是也。德無虧。即修無所虧。修無所虧。則何處非齋。亦何時非齋也。奈何愚夫性偏。徒竊齋口之名。不務齋心之實。設醮登壇。妄言呈疏。天闕赦孤。批牒。詭言超度幽冥。三日五日。供醮無非虛文。龍華松華。設場要皆故事。明明善惡。統宗置之度外。往往虛靡假局。奉之若神。嗚呼。德敗當躬。雖親炙神靈。何益。德虧寤寐。即日聚仙佛。亦何因。須知改過省愆。自然神天眷佑。去

惡從善。自爾福祿駢臻。德之至也。齋何庸乎。吾願世之修齋者。須轉為修德焉。則幸甚。

孚佑帝君語 雷都察最恨世之口齋心不齋者。故降此文於書內。生等宜錄刊之。

七月十四夕

土神語 吾乃新任土地是也。生等今夕設壇。少刻。呂帝由此而過。可停鸞一刻。

孚佑帝君語 吾時纔與眾仙齊會岳陽樓上。有此方土地稟到。生等設壇。問回生書訛錯一件。但此

事雖屬容易。而其中亦大為難。非細心閱之。不可。生等校過一次。吾再閱之。今夕不能久留。要慶地官聖壽去也。

二十五夕

土神語 吾土地是也。今夕武聖臨壇。爾等各宜虔誠伺候。

土地報

崇甯宮各將軍至。

武聖駕臨。小心伺候。

吾乃後部闕奉聖父命秉筆諭曰

皇天無親。惟佑善人。佑善人。即所以懲惡人也。夫人

不患其為惡。患為惡之不悛。人不患其無善。患為善之不終。是故奸盜邪淫惡也。或悟其為惡之失。即為之改其行。悔其罪。至是而諸惡不作矣。眾善力行矣。是去其惡。而亦可修善也。孝弟忠信善也。或負其為善之咎。因而墮其心。反其行。至是而前善盡敗矣。諸惡日肆矣。是棄其善。而何異為惡也。禍福之原。誠定於此。嗚呼。陷溺雖深。撥雲自能見日。修為忽敗。墜嶺因而沈淵。前惡後善。去其惡而善可修。前善後惡。敗其善而惡即至。世之為惡。知悔者。非徒知悔。而惡即

改。改其惡猶貴其永為善也。為善無常者。非因無常而惡即加。加其惡蓋惡其為善之不終也。禍也。福也。雖由天定之。實因其人而轉移之。嗟嗟。人之為惡。宜改舊迹。人之為善。須保始終。自然禍避之而福臨之矣。善惡兩途。慎之慎之。

廖將軍語 吾奉帝命。諭知生等。重刊回生書一件。呂帝已談及數次。要吾帝君來壇一示。今見此事已有成意。故臨壇示知生等。但重刊之事。原因原板存於店內也。重不九尸店中之過。因伊翻刻不

加責譴。特草率太甚。訛錯極多。生等宜細心校正。謄真刊之。休聽外人議論。廢此善功。則可惜矣。生等送駕。少時呂帝來壇。自有細示。

孚佑帝君語 爾等將已看之稿說吾聽之。此書內尚有訓諸生及土神一切俗語。宜去者去之。各祖先之文跋。去其名留其姓可也。其刊刻之事。爾等宜遵武帝之示。努力早早全成。則二帝之心安而吾之心亦安矣。

八月二十夕

土神語 吾土地是也。爾等今夕設壇。宜虔誠伺候。
亥正。呂帝降。子正文武二聖降。
孚佑帝君諭

自三才定位。人得居中。而不仁。其負罪於天地也
大矣。而况昧天之理。逆天之心。有不干天之怒乎。故
陰陽不合。日月剝蝕。五行逆施。四時失序。山川告匱。
災難頻臨。非天之不慈。實人之惡。有以自召耳。天豈
負人也哉。人宜自惺矣。是故國有忠臣。則皇圖鞏固。
國祚綿長。家有孝子。則祥瑞駢臻。家澤久遠。推之一
鄉。有善士。則閭閻受福。禍患不侵。一族有賢人。則支
譜生光。橫逆不作。此豈非明徵也歟。奈世人不受天
庇。而甘受天罰。愚孰甚焉。

吾前囑爾等。此書內所宜刪者。刪之。其一二本內。
萬馮二土神語。不宜多去。伊言雖俗。亦有些意思。
在中。文武二帝。念伊在壇辛苦日久。故與他存之。
生等知否。其捐項一件。亦宜問伊等收之。倘有
不願者。不必強之。聽他之心中。已收者。宜將名姓
並其地名都甲。書而存之。完功之日。吾與二帝以

好一一奏上。吾此時去。子正同文武二聖再降。

列神報 吾乃斗口魁星到 桂宮護駕列仙至

吾乃王靈官到 崇甯護駕各將軍至 三帝駕

臨小心伺候

吾乃斗口魁星奉文帝命秉筆諭曰

天地間之樂境。惟讀書為最。讀書則畏名義而悖倫之事。不敢為。讀書則明道理。而犯法之事。不得為。讀書則顧廉恥。而敗名墮節之事。不肯為。且識見由讀書而廣。閱歷由讀書而深。功名由讀書而成。家聲由

讀書而振。况子弟讀書。愚者賢而賢者益。賢惡者善而善者益。善讀書之樂。於此極樂。吾每見世之愛書者。延師課讀。苦費經營。己身即不顯榮。而子孫科甲不替矣。俗有云。詩書不負三代信。非誣也。世人何苦不讀書哉。

爾等有志重刊回生一書。更正訛錯。此亦有功於世之事。但以後所降。均錄入四卷之正文內。照次序。謄真刊之。此示送駕返官。吾等均去。

雲遊大仙詞

改刊回生

卷四

五

寒復暑。秋又春。壺中歲月幾度新。三更已盡。時又五
更。可歎染紅塵裏。盡是愁雲。黃梁未熟。顛顛倒倒。世
上行。昏昏。昏昏。誰識得殘燈滅。今天又明。耳旁
復聽得金雞亂叫。叫叫大夢你幾時得醒。大夢你幾
時得醒。

九月十二夕

土神語 吾纔至本邑。侯爺處。因今歲人民。疾病甚
重。查閱各處冊籍。不覺淒然淚下。幸我處各土地
呈閱之冊。侯爺觀之。尚有喜色。吾等亦各心安。看

來真是一方有善士。閭閻受福。禍患不戾。非虛語
也。少刻抱樸老仙降 子正

抱樸老仙歌

抱枝無孔笛。來到全善堂。因世人久患癩癩。解下葫
蘆取金丹。各贈一粒。不要爾錢。吃進肚皮內。半刻保
平安。這金丹來時難。混沌初開。乾坤始奠。皇而帝。與
起烹煉。到於今數千餘年。一代傳一代。旋得旋失。馬
歷盡了險阻。受盡了搬盤。難難我也。生於漢家。住羅
浮山。遇着明師指點。知得此妙妙玄玄。也不敢漏洩。

也不敢隱瞞。只要遇着有心人。且講一講。且傳一傳。甚麼名藥物。甚麼號元關。甚麼為採。取事。甚麼稱神化天。或聚眾。或採戰。或守死。或清談。那都是左道旁門。邪說異端。不堪言。我今明明示爾。須當謹守。真詮三教一理。儒教為先。不學儒。不可以學佛。悟佛旨。方可以悟禪。渾然太極。是藥物。義路禮門。是元關。存養省察。採取事。晬面盎背。神化天。四句話。包羅天地。四句話。說盡淵源。有心人。默識默識。鑽研鑽研。又恐爾不知下手在何處。成功不知在那端。指出總訣。竅一

字見神仙。天得一以清。地得一以甯。人得一以聖。以賢。甚麼叫知酉。甚麼叫西南。甚麼叫龍虎。甚麼叫鳳鸞。甚麼叫嬰姤。甚麼叫汞鉛。甚麼叫造化。甚麼叫完全。紫府黃庭。怎講。淨土崔橋。怎言。蓬萊真一。怎講。舍衛極樂。怎言。虛無凝結。怎講。無縫總持。怎言。靈根法竅。怎講。至善斯道。怎言。種種名號不一。都不出一字。圈圈。一者何。庸不易。中不偏。中庸書上請披覽。中庸書上請匯叅。放之則彌六合。卷之則退藏於密。吾道一以貫。豈不是一字見神仙。豈不是一字見神仙。我

今為爾欲吐不吐。欲言不言。引而不發。躍如也。且令爾用些工夫。受些煨煉。自己去磨穿。今宵各贈一粒。救世癩癩。噫爾等要吃進肚皮裏。方能够半刻保平安。爾等要吃進肚皮裏。方能够半刻保平安。

孚佑帝君語。時纔抱樸老仙與吾棋酒高興之際。聞此方土地叩見。言生等設壇。故臨於此。所降之文。可誦吾一聽。好道學。只恐生等難得入其門。宜謄正增刊。與他留下一記。

九月十七夕

土地報 桂香宮護駕各仙到 崇甯宮護駕各將

軍到 文武二帝駕臨 呂帝駕臨

關將軍語 三帝諭生等。將稿呈閱。此稿尚無訛錯。可照書刊之。此示。

武帝諭讀感應篇總旨

人生事業。不外倫紀綱常善惡兩途。分出吉凶禍福。感應一篇。傳之古今。其中言鬼神言果報。是開人以邀福信神之路。但人不知心即神。神即心。若是欺心。即是欺神。能問心。即能對神。能對神。則官非疾病水。

火瘟疫。一切惡事。自然不侵。福壽子嗣富貴功名。一切善果。自不求而得。人能葆其性分之所固有。盡其職分之所當為。則福不待求。而鬼神亦必默相也。

此文語雖淺而義深。血脈流貫。可與感應篇並壽。再此書之靈驗記。可放於果報錄之前。外有可錄者錄之。此示。

二十四夕

孚佑帝君詩

笑看人情艷似花。乍開乍謝沒些些。開時紅粉謝如

雪。頃刻幽林又一家。人心反覆若流水。滾滾波浪平空起。舉世多少名利船。驚惶受盡洪濤裏。我泛慈舟浮一葉。遨遊四海邀明月。天涯走盡遇順風。到處優游到處歇。

十二月二十七夕

孚佑帝君戒氣歌

歌歌歌。樂樂樂。紅塵俗炁。一筆消磨。聽老仙說淡話。唱大鄉。塵寰擾擾。絕少平和。你用氣。我逞惡。忍讓之人。那見多。有等愚夫輩。莽性粗不學。或為銀錢交往。

言語不合。橫氣填胸窩。暴戾逞兇惡。那計親戚長幼。不論道理若何。狂性汹涌動干戈。傷失親身說無過。呵呵此等鄙夫。自投網羅。異日惡罪滿。天罰不能脫。生前王法誅。死後受折磨。惡鬼幾箇。拖見閻羅。罪惡一一定明確。拖過刀山與油鍋。奸巧的。還要去把阿鼻墮。呀呀這就是逞氣的下落。老仙觀看過。世人宜警覺。不見楚子玉。剛愎欠琢磨。兵敗時難免。亡身禍。又不見滅秦的楚霸。只因性殘苛。到垓下驚聞楚歌。烏江一敗難渡河。古人用氣奈若何。奈若何。到不如

飲一盃消氣酒。服一料養氣藥。雖不是玉液瓊漿也。當得長生仙果。只是要平平和和。涵養多多。涵養多。自快樂。勸君忍氣為上着。老仙笑呵呵。老仙笑呵呵。

戊子新正初九夕

孚佑帝君詩

三元一炁發萌芽。隊隊天香總是花。至道慈光聯妙行。文昌智慧貫清華。紫微位極星辰拱。青帝祥呈象數加。聖聖同功閻闔現。祇緣此路渺無涯。

十六夕

孚佑帝君詩

玉兔高懸紫炁鉞。金雞報曉鳳鳴岡。明機破晦乾坤泰。陰極生陽世道昌。縱使人心多暗昧。此時屋漏有天光。四海九州咸照澈。功圓果滿獻聖王。

二月二十夕

孚佑帝君詩

漣漣化雨洒蒼苔。古寺雲烟鼓打開。信步翱翔歸洞府。回頭指點認蓬萊。閒看東閣花光媚。靜聽西園鳥語諧。悟透性情歸妙境。塵緣洗盡換凡胎。

雷都察詞

人生大夢一場富貴誰能久長。古往今來昭天壤。惟有這三綱五常。竭力盡忠勤王。丹心寄與辨香。成事在天人難強。看破了廢興存亡。

五月初三夕

孚佑帝君詩

龍舟競渡五月天。數聲鼙鼓破寒煙。家家醉飲端陽酒。共相喧嚷去看船。遙憶屈原事懷王。君臣不得似沸湯。披髮狂吟形如墨。愁雲萬里蔽日光。身葬波濤

世難已。一點赤心付流水。於今千載弔忠魂。知得屈
原尚禾死。黍角投江悲不祿。英靈不伴蛟龍宿。大水
茫茫罩霧深。天陰往往聞鬼哭。汨羅江上血凝膏。屈
原水底恨應消。嘔嘆人生如大夢。徒聽後世讀離騷。

初九夕

土神報 少刻關將軍桂宮魁星降 子正呂帝降

此時觀音大士臨

觀音大士詩

佛說如來意云何。閻浮渡盡見彌陀。空空色色三乘

悟。了了因因十世魔。定慧涅槃修舍利。圓明罣礙見
婆娑。生生欲識菩提路。一卷心經仔細哦。

關將軍語 聖父今夕不暇臨壇。命吾來此諭曰。

為善獲福。作惡降殃。此乃一定之理。世間偏有不平
之報。豈天地之無憑。抑人不知其故耳。夫善不積不
足以成名。惡不積不足以滅身。人或祖有大惡。一旦
善遷子孫。幼有大惡。一旦善遷中年。此固惡多而善
少者也。人見其為惡。而家反昌盛。及為善。而轉見災
難。遂謂神明無靈。不知先惡後善。猶於負債發家。債

主必討乎。迨至債完清楚。則餘錢剩米。皆為自有矣。此乃為善受殃之證也。或祖有大善。一旦惡作子孫。幼有大善。一旦惡作中年。此固善多而惡少者也。人見其為善。而反單寒。及為惡。而轉見發達。遂謂皇天無眼。豈知前善後惡。猶於苜中養豚。將殺必厚其食。以養之。迨至槽中食盡。畜養既肥。利刀速矣。此又為惡受福之證也。爾世人只從目前觀之。不即其後日計之。何其愚乎。何其愚乎。

魁星語

吾奉三帝命護端木大賢駕臨小心伺候

端木大賢詩

美富宮牆未得門。夙哉聖化實難論。文章我喻形乎外。性道真聞至所存。天縱應譏吳太宰。學師直折衛公孫。尼山日月千秋煥。儒教高風百世啟。

吾乃三帝所請。故奉至聖命而來。全此善功。吾去乎。佑帝君語。吾時纔與二帝全至無量洞天。叩請至聖。至聖命一位大賢來壇。以全此美舉。吾心喜之。又印送此書。不可過於刻薄工人。以免其抽紙減頁。生等知否。此諭。

抄去回生

[Faint bleed-through text from the reverse side of the page]

附錄

太上感應篇

太上曰。禍福無門。惟人自召。善惡之報。如影隨形。明義
第一是以天地有司過之神。依人所犯輕重。以奪人算。
算減則貧耗。多逢憂患。人皆惡之。刑禍隨之。吉慶避
之。惡星災之。算盡則死。又有三台北斗神君。在人頭
上。錄人罪惡。奪其紀算。又有三尸神。在人身中。每到
庚申日。輒上詣天曹。言人罪過。月晦之日。竈神亦然。
凡人有過。大則奪紀。小則奪算。其過大小。有數百事。

欲求長生者先須避之。鑒察是道則進。功非道則退。

功不履邪徑。不欺暗室。功均一積德累功。以事之大小論慈心

於物。功十忠孝友悌。均功五正己化人。功十矜孤恤寡。敬老

懷幼。功一事昆蟲草木。猶不可傷。功一宜憫人之凶。功五樂

人之善。濟人之急。功十救人之危。功五見人之得。如

己之得。見人之失。如己之失。功均三不彰人短。功不炫

己長。功五遇惡揚善。功十推多取少。受辱不怨。功均五受寵

長篤。功三施恩不求報。功十與人不追悔。功五積善第三。所訓善

人。人皆從之。天道佑之。福祿隨之。眾邪遠之。神靈衛

之。所作必成。神仙可冀。欲求天仙者。當立一千三百

善。欲求地仙者。當立三百善。善報第四苟或非義而動。背

理而行。均過一以惡為能。忍作殘害。均過十陰賊良善。均過五

過。暗侮君親。均過五慢其先生。叛其所事。均過三誰諸無

識。謗諸同學。均過五虛誣過詐。過偽。過攻訐宗親。均過十

剛強不仁。很戾自用。均過一是非不當。向背乖宜。均過五

虐下取功。均過二十諂上希旨。受恩不感。忿怨不休。均過十

輕蔑天民。均過百擾亂國政。以事之大小論賞及非義。均過十刑及無

辜。均過百殺人取財。均過五百傾人取位。均過百誅降戮服。均過五十貶

正排賢三十 陵孤逼寡棄法受賂以直為曲以曲為
直均十 入輕為重二十 過如關見殺加怒知過不改
知善不為自罪引他壅塞方術均十 訕謗聖賢百 侵
陵道德五十 射飛逐走發蟄驚棲均一 填穴覆巢五
傷治破卵十 願人有失五 毀人成功十 危人自安二
過滅人自益十 以惡易好以私廢公均五 竊人之能
過五十 蔽人之善十 形人之醜二十 訐人之私耗人貨
財均十 離人骨肉百 侵人所愛十 助人為非二十 逞
志作威辱人求勝均十 敗人菑稼五十 破人婚姻百

苟富而驕二十 苟免無恥認恩推過均十 嫁禍賣惡
過二十 沽買虛譽五 包庇險心挫人所長護己所短均十
過乘威迫脅二十 縱暴殺傷三十 無故剪裁一 非禮
烹宰五 散棄五穀三十 勞擾眾生五 破人家取其
財寶洪水放火以害民居均百 紊亂規模以敗人功
過二十 損人器物以窮人用十 見他榮貴願他流貶二十
過見他富有願他破散見他色美起心私之負他貨
財願他身死均五 千求不遂便生咒憾十 見他失便
便說他過見他體相不具而笑之均五 見他才能可

稱而抑之。十過諸惡埋盡厭人。三十過用藥殺樹。三過悲怒師傅。十五過抵觸父兄。三十過強取強求。好侵好奪。十過擄掠致富。三十過巧詐求遷。五十過賞罰不平。三十過逸樂過節。苛虐其下。十過恐嚇於他。八過怨天尤人。百過呵風罵雨。三十過鬪合爭訟。二十過妄逐朋黨。十過用姜妾語。五十過違父母訓。百過得新忘故。五過口是心非。一過貪冒於財。欺罔其上。造作惡語。讒毀平人。毀人稱直。均十過罵神稱正。棄順效逆。背親向疏。均二過指天地以證鄙懷。五十過引神明而鑑猥事。三十過施與後悔。八過假借不還。

十過分外營求。力上施設。均五過淫欲過度。心毒貌慈。穢過食餒人。均十過左道惑眾。短尺狹度。輕科小升。均二過以偽雜真。采取奸利。均十過壓良為賤。三十過謾驚愚人。貪婪無厭。咒詛求直。均五過嗜酒悖亂。十過骨月忿爭。男不忠良。女不柔順。不和其室。不敬其夫。均三過每好矜誇。五過常行妒忌。八過無行於妻子。失禮於舅姑。輕慢先靈。均二過違逆上命。十過作為無益。懷挾外心。自咒。均五過他。十過偏憎偏愛。八過越井越竈。跳食跳人。均十過損子墮胎。三十過行多隱僻。晦臘歌舞。均十過朔旦號怒。五過對北

文刊回主

卷四

長

涕唾及溺。對竈吟咏及哭。又以竈火燒污穢柴作食。
夜起裸露。八節行刑。唾流星。指虹霓。均十過輒指三光。
二十久視日月。十過春月燎獵。二十過對非惡罵。無故殺
龜打蛇。均十過諸如是等罪。司命隨其輕重。奪其紀
算。算盡則死。死有餘責。乃殃及子孫。又諸橫取人財
者。乃計其妻子家口以當之。漸至死喪。若不死喪。則
有水火盜賊。遺亡器物。疾病口舌諸事。以當妄取之
直。又枉殺人者。是易刀兵而相殺也。取非義之財者。
譬如漏脯救飢。鴆酒止渴。非不暫飽。死亦及之。惡報第七

夫心起於善。善雖未為。而吉神已隨之。或心起於惡。
惡雖未為。而凶神已隨之。指微第八其有曾行惡事。後自
改悔。諸惡莫作。眾善奉行。久久必獲吉慶。所謂轉禍
為福也。悔過第九故吉人語善。視善行善。一日有三善。三
年天必降之福。凶人語惡。視惡行惡。一日有三惡。三
年天必降之禍。胡不勉而行之。力行第十

關聖帝君覺世真經

敬天地。禮神明。奉祖先。孝雙親。守王法。重師尊。愛兄
弟。信友朋。睦宗族。和鄉鄰。別夫婦。教子孫。時行方便。

廣積陰功。救難濟急。恤孤憐貧。創修廟宇。印造經文。
捨藥施茶。戒殺放生。造橋修路。矜寡拔困。重粟惜福。
排難解紛。捐貲成美。垂訓教人。寬譬解釋。斗秤公平。
親近有德。遠避凶人。隱惡揚善。利物救民。回心向道。
改過自新。滿腔仁慈。惡念不存。一切善事。信心奉行。
人雖不見。神已早聞。加福增壽。添子益孫。災消病滅。
禍患不侵。人物咸寧。吉星照臨。若存惡心。不行善事。
淫人妻女。破人婚姻。壞人名節。妒人技能。謀人財產。
唆人爭訟。損人利己。肥家潤身。怨天恨地。罵雨呵風。

謗聖毀賢。滅像欺神。宰殺牛犬。穢污字紙。恃勢辱善。
倚富壓貧。離人骨肉。閒人兄弟。不信正道。姦盜邪淫。
好尚奢華。不重儉勤。輕棄五穀。不報有恩。瞞心昧己。
大斗小秤。假立邪教。引誘愚人。託說昇天。斂物行淫。
朋黨暗騙。橫言曲語。白日咒詛。背地謀害。不存天理。
不順人心。不信報應。引人作惡。不修片善。行諸惡事。
官詞口舌。水火盜賊。惡毒瘟疫。生敗產眷。殺身亡家。
男盜女淫。近報在身。遠報子孫。神明鑒察。毫髮不忤。
善惡兩途。禍福攸分。行善福報。作惡禍臨。我竹斯語。

願人奉行。言雖淺近。大益身心。戲侮吾言。斬首分形。有能持誦。消災聚慶。求子得子。求壽得壽。富貴功名。皆能有成。凡有所祈。如意而獲。萬禍雪消。千祥雲集。諸如此福。惟善可致。吾本無私。惟佑善人。眾善奉行。毋怠厥志。

文昌帝君陰騭文 照丹桂籍增補

帝君曰。吾一十七世。為士大夫身。未嘗虐民酷吏。救人之難。濟人之急。憫人之孤。容人之過。廣行陰騭。上格蒼穹。人能如我存心。天必錫汝以福。於是訓於人。

曰。昔于公治獄。大興駟馬之門。賈氏濟人。高折五枝之桂。救蟻中狀元之選。埋蛇享宰相之榮。欲廣福田。須憑心地。行時時之方便。作種種之陰功。利物利人。修善修福。正直代天行化。慈祥為國救民。存平等心。擴寬大量。忠主孝親。敬兄信友。和睦夫婦。教訓子孫。毋慢師長。毋侮聖言。或奉真朝斗。或拜佛念經。報答四恩。廣行三教。談道義以化奸頑。講經史而曉愚昧。濟急如濟涸轍之魚。救危如救密羅之雀。矜孤恤寡。敬老憐貧。舉善荐賢。饒人責己。措衣食。周道路之飢。

寒。施棺擲免屍骸之暴露。造漏澤之仁園。興啟蒙之義塾。家富提攜親戚。歲饑賑濟鄰朋。斗秤須要公平。不可輕出重入。奴僕待之寬恕。豈宜備責苛求。印造經文。創修寺院。捨藥材以拯疾苦。施茶水以解渴煩。或買物而放生。或持齋而戒殺。舉步常看蟲蟻。禁火莫燒山林。點夜燈以照人行。造河船以濟人渡。勿登山而網禽鳥。勿臨水而毒魚鰕。勿宰耕牛。勿棄字紙。勿謀人之財產。勿妒人之技能。勿淫人之妻女。勿唆人之爭訟。勿壞人之名節。勿破人之婚姻。勿因私讐

使人兄弟不和。勿因小利使人父子不睦。勿倚權勢而辱善良。勿恃富豪而欺窮困。依本分而致謙恭。守規矩而遵法度。諧和宗族。解釋冤怨。善人則親近之。助德行於身心。惡人則遠避之。杜災殃於眉睫。常須隱惡揚善。不可口是心非。恆記有益之語。罔談非禮之言。翦礙道之荆榛。除當途之瓦石。修數百年崎嶇之路。造千萬人來往之橋。垂訓以格人非。捐貲以成人美。作事須循天理。出言要順人心。見先哲於羹牆。慎獨知於衾影。諸惡莫作。眾善奉行。永無惡曜加臨。

常有吉神擁護。近報則在自己。遠報則在兒孫。百福駢臻。千祥雲集。豈不從陰陽中得來者哉。

武帝警世寶誥

帝君曰。吾大漢良民。恭逢明主。桃園結義。誓除漢世之奸頑。討魏征吳。思存炎劉於一綫。不意三分鼎足。壯志未伸。而五谷遭圍。誤入奸雄之手。荊州失守。咎實難辭。乃蒙兄長宏恩。興問罪之師於白下。君臣義重。致失律之敗於猗亭。西蜀偏安。有懷莫遂。言念往事。殊深慚愧。前過江南。見人心風俗。日就頹靡。而吾

憫世之心。隱然勃發。因奉

玉旨。將太微功過格。增而行世。以化愚頑。殊時人見之。有議以為非者。昨四月十五日。赴瑤池宴。遇呂冷諸仙。言及此事。皆為太息。今遇眾生無情。多作惡業。全無悔心。因再降筆於此。以昭前意。嗚呼。人心習尚。尚可言哉。不忠不孝不義不仁。不畏天命。不畏大人。不畏聖言。出口則以無稽之言為新聞。談笑則以閨閻之說為妙語。稱富貴則拋姓而諂媚。提君子則呼名而誹謗。傲慢無知。恃財作孽。求人情急。稽首之角。

若崩。利盡交疏。反眼之面如鐵。處豐亨則日就華靡。不計家中升斗。論人品則心生嫉妒。每求賢士瑕疵。笑貧趨富。恬不知羞。竟無人挽其氣習。人面獸心。伊於胡底。並不喜指出迷津。喪事用鼓吹。以人死而為樂。陰壽演雜劇。忍害理而不哀。奢侈成風。何怪人貧財乏。天良喪盡。尚求富貴榮華。有過則多方文飾。不喜人規。作惡則自謂得計。良言轉怒。唆鷸蚌之相持。就中取利。囑權要之偏聽。假威害民。口似懸河。滔滔者無非妄誕。筆如新螫。緝緝者安有全人。尚曰先民

是式。乃敢評古論今。自誇才學無雙。不過吟花詠柳。遇正事則抽身退避。惟恐鮮血沾衣。交朋友則欺心似箭。反不天情。擾害蜜口如飴。未便久要之約。小怨不釋。常懷報復之私。囂囂然以古人自待。聽其語無非攻詰。陰私岸岸。然與昔賢為徒。考其行。都是損人利己。棄父母而不顧。利欲昏心。乖手足而相戕。殘忍刻薄。嘴同啄木鳥尖。生來即銳心。似黃蜂針毒。觸物便傷。每年觀吾兒所奏。問田宅。問官事。問功名。問謀財富。無一個問及陰陽果報。一月計周倉所稱。許掛

袍許送對許上油許修廟宇無一個許刻勸善經文
人心風俗大概如斯盡其奸險萬語莫罄決洪澤之
波不足以洗其澆薄總黃河之水不能以蕩其凶污
我之來意蓋為此也我今在壇宵小尚狂言議論如
我去後顯蒙將何日回頭然我總不忍以禽獸待人
故不惜苦口多方誥誡誨語諄諄尚冀諸生之悔悟
言詞懇懇猶望殘燭之復明上體

玉皇之心下慰聖主之意殷殷勤勤一字一淚悲悲
切切一句一珠及早回頭放下屠刀成佛果速當猛

省撥開雲霧見青天言之者動心讀之者刻骨倘見
斯言而不悟真是惡魁如聞此語而不傷弗若禽獸
頑石有點頭之日何以人竟無靈豚蛇有聽經之時
何以人不如畜良心雖死盡終有一隙之明天理縱
全無豈無再生之路改改當以人形自待思思思
不妨晝夜提撕三十條之言過言功乃時人之苦口
良藥數千言之教孝教弟誠百代之規矩準繩萬明
固當奉之為楷模愚魯尤當遵之為法守論道理則
不言禍福鬼神正人心則須講災祥報應凡有遵而

行之者。一年不懈。加功一級。十年不懈。延壽一紀。如有瘟疫流行。天災時至。作善者必能逢凶化吉。若求功名子息。福壽康甯。遵奉者自然如意。遂心。或有口是心非。妄加毀謗者。則天人地火。人為殃。鐵鞭金鞭。凶鞭並至。轉入畜生。孽無盡期。事到臨頭。悔將何及。爾等當作頂天立地之男兒。毋為自暴自棄之凶子。是吾之所厚望也。

文帝警世寶誥

帝君曰。天地一大父母也。父母之於子無不愛。天地

之於人亦無不愛也。天地於人無不愛。則必使人人飽煖也。人人安甯也。人人壽考也。然而飢寒者不免。危難者不免。天折者不免。斯亦慘矣。又有兵戈以戕之。瘟疫以戕之。旱乾水泛以戕之。死者血流屍積。生者東奔西馳。困苦千般。顛連萬狀。嗚呼。天地誠何心哉。既生之而又殺之。然且怨天地之不仁。而不知天地實有無可如何者。人悲之。天地更悲之也。人為人之。悲之。天地早為人之悲之也。天地為人之悲之。而不能為人宥也。何也。人為之。非天地為之也。非天地為之。天

地何能為人宥也。人自為之。人又何得怨天地也。何言乎人為之也。人之所以為人者理也。理亡斯人亡也。為臣者不忠也。為子者不孝也。為兄者不友也。為弟者不恭也。為夫者不義也。為婦者不聽也。為長者不惠也。為幼者不順也。為師者不嚴也。為友者不信也。士競文藝而忽德行也。農圖良田而昧心地也。工作偽而弗作德也。商見利而弗見義也。官為家而無赤心為國也。吏為私而無實心為公也。理刑名者忘善俗之遠猷也。司教訓者昧明倫之先務也。僧道滅

綱常而傷風化也。娼優棄廉恥而蠱愚頑也。隸卒假虎威而蠹編氓也。豪強肆鯨吞而凌寡弱也。雜流矜奇異而藏險心也。遊民結黨羽而逞陰謀也。邪淫者比比。奸詐者多多也。腥聞在上。黑氣觸空。是以刼數定而災害臨也。然而天地甚愛人。非遽以災害戕人也。其初亦望人悔過遷善。消此大刼也。是故春之元教人以仁也。夏之亨教人以禮也。秋之利教人以義也。冬之貞教人以智也。日之昃。月之食。教人以持盈而戒滿也。雷之迅。風之烈。教人以恐懼而修省也。人

有不明之事。天無不報之條。始一切飢寒危難。天折之迭出。錯見者無非欲以小懲大。以一警眾也。使人體天地愛人望人之心。而悔過遷善。何至未刳臨頭。始此其慘也。惟天地厚望人。而人不知厚望人。而人不覺惡業太重。惡類太繁。尋常災害。掃除不盡。而大刳始臨也。兵戈所不及者。瘟疫以戕之。瘟疫所不及者。旱乾水泛以戕之。嗚呼。天地誠何心哉。吾奉上帝命。飛鸞開化。所以正人心。而救未刳者。無不至矣。而人心卒不可正。未刳卒不可救者。人之迷也。迷

於前。吾猶冀其悟於後。故茲於大刳既臨之餘。復諄諄為爾世人言之。使爾世人知天地之愛人如此其深。天地之望人如此其切。庶乎未刳不能救於已往者。猶或可救於將來也。爾世人其速速悔過。速速遷善。勿負天地厚望之心也。勿負天地厚望之心也。其遭刳而死者。愛之無可愛也。是自絕也。其遭刳而未至於死者。望之猶可望也。宜自新也。其未遭刳而安享太平者。天地厚望之。厚望之也。宜自省而自修也。勿失愛而失望也。慎之慎之。一言恐天地聞之也。一

行恐天地見之也。一念恐天地窺之也。人可瞞天地不可瞞也。人可欺天地不可欺也。天地在吾心。吾心即天地也。時時不昧心。即時時敬天地也。吾心時時敬天地。天地即時時佑吾身也。天地時時佑吾身。則百福駢臻。千祥雲集。又何災害之不可弭。劫數之不可消也。世人見吾訓者。其思之。其細思之。為愚夫愚婦講說之。鈔寫而傳送之。刊印而廣傳之。勸一人善。准五十功。勸十人善。准五百功。造福良非淺也。勉之勉之。

救劫回生靈驗記

光緒庚辰年江西孫雲自記

雲年六十。尚無子。常忽忽不樂。一日友人送救劫回生書一部。告曰。此書無求不應。試印送之。必驗。雲詳讀之。其中賞善罰惡。詞嚴而明。理正而顯。非大神聖不能為此訓。亦不能成此文也。讀畢。后亟求刷印。遍覓無板。遂立願重刊。甫成。印書五百部。戊寅二月。詣府廟具文告竣。是年冬月。即舉一男。於戲。

神聖之休明盛矣哉。而靈應之響。洵如桴鼓。意將此事附錄存案。以告同志。令其篤信奉行。因性慵未果。今庚辰六月初旬。男忽抱病危甚。閤家惶恐。不知所為。雲遂再許救劫回生書一百部。陰隲文明聖經各百部。祈保男病全愈。申告方畢。病勢即鬆。日漸日愈。此兩事實。雲所親歷。非若傳聞者比也。謹誌顛末。以見

神恩浩蕩。赴感尋聲。

聖德廣大。拔難無形。可不敬哉。可不畏哉。

光緒辛卯春龔家悅母王氏歷年厥疾不瘳。本年危殆。投靠無從。當是時也。悅心滋戚矣。適從叔炳湘曰。世有救劫回生一書。汝知之乎。言及集中。

恩例并即歷來事實。縷述維殷。悅聞之不禁躍然而起。比往從叔家。取其書讀之。見其中詩詞歌賦。文頌悉寓覺世牖民之至意。具振聾啟瞶之深心。其旨顯而微。其意深而遠。悅誠相見憾晚者矣。乃爇梅檀敬申禱告。叩許印送四十部書未

成而悅母之疾已瘳由悅母視之真可謂劫可
救矣生可回矣其匡輔拯救之功既如是神且
速能不於感激之下形為吟咏也哉爰為之歌
曰

至哉神靈廣大莫匹形色化生成深感激
美矣善矣莫罄贊揚稽首作喝敬告同儕

善邑沐恩龔家悅謹記

光緒十年江西石陽人王鶴鳴自記

鶴初艱嗣息累生不育。心懷耿耿無所適意。惟素
愛與善友交。一日友人告以讀感應篇陰騭文。徧
覽善書。力行善事。鶴曰我性愚不通書籍。欲依書
言而遵行。恐有曖昧之失。友曰君言誤也。但觀平
日所為無欺心事。凡一切昆蟲草木生生之物。靡
不愛之。此即善之一端也。又何必過拘哉。鶴於是
日誦感應篇陰騭文。及一切善書。無不樂觀。披閱
之下。儼如神明在側。後生一男。甫四歲。是年六

月。鶴偶染咳嗽。延久不愈。請醫調治。迄無功效。至
八月竟失紅。九月初旬。病甚危急。初四日申刻。男
又陡起凶症。聲啞不言。合家恐怖。幾不欲生。鶴此
時身罹沈疴。加之男又病重。計無從出。祇得焚香
禱告。願印救劫回生書五十部。達生編一百部。祈
保父子病痊。即速刷送。申告甫畢。男病即轉生機。
至三更復能言。鶴病亦漸瘳。不數日父子全愈。於
戲因果報應。如是迅速。鶴敢忘 彼蒼之佑。不謹
註之以告同志哉。

嘗謂死而能生。危而能存。夫惟有如是之力量。
乃有如是之名稱。旨哉其救劫回生一書乎。是
書行世久矣。第藏板無多人。難遍覽。幾有欲見
無緣之憾。庚寅春。炳湘妻方氏受心病。醫藥罔
效。歷夏徂秋。病幾莫救。適有客謂曰。世有救劫
回生一書。汝知之乎。若虔心備送。凡有所求。靡
不響應。因歷舉數事以實之。炳湘聞而躍然。爰
沐浴齋戒。為文禱告。叩許印送其書百部。乃一
念偶萌。

神靈默感冬令纔交方氏病已愈十之七八則此書實為

神明精意所託與夫庇佑夫人有如是靈且速者矣茲當印書備送附鐫於右以頌

神德於靡極云

光緒辛卯年仲春月穀旦沐恩善化龔炳湘謹記

乾州張敦甫。偕妾與子遊常德。因事遠出。子妾寓客棧。其子屢病。主人憐之。代印回生書二十部。後全愈。

江西人孫姓。中年家富。娶妻不育。納妾三。皆無子。光緒五年。近六旬矣。鮑某勸伊印回生書五十部。後舉一男。雲南大理府提標守備方楷。素患氣疾。因事進京。遇友相勸。印回生書五十部。伊由京返梓。舊疾全愈。且康健異常。復印書五十部。此光緒七年事也。

光緒八年。武陵人趙某好食牛肉。居心陰險。時患吐血。其友勸改前非。代許回生書四十部。厥後疾漸愈。飲食亦加。未一年。仍食牛肉。疾復作。向友言之。友以伊心不堅。難以救治。後即病亡。貴州商民張姓。卧病旅次。醫藥罔效。有念伊異鄉之人。代具稟叩求。印回生書二十部。至晚疾鬆。服藥亦效。愈後。具稟改過自新。且印回生書百部。明聖經百部。以上所錄均係目覩。其餘照例叩求。驗者甚眾。不能備載。閱者鑒之。

果報錄

某省鄉試有被貼某生卷上。自題詩云。千里來觀上國光。卷終暗被火油傷。半生祇為淫三婦。七屈誰憐貼五場。信是紅顏為鬼蜮。悔從驀地結鴛鴦。而今敢告青雲士。休道殘花艷且香。私行不義。竟爾自寫供招。讀書人。得不惕然內省乎。

漢宣城郡守。一日化為虎。食郡民。民呼之曰使君。即去。張禹山詩曰。昔日漢使君。化虎方食民。今日使君者。冠裳而嚼人。又曰。昔日虎使君。呼之即慙止。今日

虎使君呼之動牙齒。弘治間一令倚勢貪暴。時獵者獲一虎。有士人作詩曰。虎告相公聽我歌。相公比我食人多。相公若肯行仁政。我自雙雙壯渡河。夫子曰。苛政猛於虎。豈虛語哉。

江陰長涇婦。夫死而虐其姑。有所頤指。恐恐然不敢犯。婦遠出。計期留米於厨。叱姑曰。與若食無費。婦出門。有僧持鉢乞施。其鄰與之米而不受。堅求其姑厨下米。姑曰。此絕我老婦命也。僧出敝緇衣為質。姑以情告。我老不堪為媳。華楚僧強納衣。攫米而去。日暮

媳以他故還。索米不得。叫罵逐姑。姑曰。僧言著衣愈百病。特為娘子留也。媳罵曰。能愈疾。試披著身。遂不可脫。須臾生角成老犛矣。姑急牽其手。手仍為人形。觀者如堵。與之飯不食。僅啣生草。非姑親飼不食。天啟丙寅年事。

保靖州楊大王周錢火兒三人。同一猷懦漢。避兩崖下。俄而虎至前。三人共推猷懦漢出。以當虎。不意崖忽崩。虎驚而去。猷懦漢反得免害。而三人俱壓死。此損人利己之報。

唐郭元振夜行見一大宅燈燭輝煌而無人俄聞女子哭聲問之曰此地有烏將軍能禍福人每歲鄉人擇美女嫁焉父利金配妾於此而去公大怒曰我當殺之以救女言未已果見車馬人從隨將軍入公將佩之斫其腕乃走視之一豬蹄也天明令鄉人攝跡尋之見大塚中一大豬無前蹄羣射殺之此女得生一方除害後元宗時公為宰相。

萬厯閒鎮江王成與兄同居兄客廣東成私念嫂甚美嚙之可得重價詐言兄死嫂設位成服未幾諷其改嫁嫂厲色拒之適有大賈購美妾成密令窺其嫂果絕色也遂議三百金又給賈人曰嫂心欲嫁而外多矯飾且戀母家不肯遠行須暮夜猝至見衣縞素者便擁之登輿計定歸語其妻嫂從壁隙窺之見白金滿案言語多時止聞暮夜來取四字成隨避出嫂知謀佯笑對成婦曰叔欲嫁我亦是美事何不明言婦不能秘曰嫁汝於富商頗足一生受用嫂曰今宵吉禮素妝未便盍以汝身之服易我婦不疑蓋成獨未曾以縞素之說語其妻也遂脫衣相易並置酒叙

別嫂灌醉其婦。潛往母。至暮。賈率眾見白衣婦。蜂擁而去。婦亦少艾。醉不能語。天明成始歸。見門戶洞開。二稚子號啼索母。始知失婦。急追至江口。則乘風舟發。千帆雜亂矣。又念牀頭有賣嫂金。可以娶妻。及探之。不料因門啟。已為穿窬盜去。其兄自外歸。囊橐纍纍。里巷咸來慶賀。嫂聞而歸。相見悲喜。成失婦又亡金。二子哭不絕聲。且無顏對兄嫂。慙痛之極。自縊而死。

康熙丙午。無錫北關祝某家有一容。偶出閒步。過長安橋。見賣犬肉者。縛一犬至。客憐買放之。犬即隨客不離。越數日。客僱船往江陰發賣棉花。有銀三百兩。為祝家一僕竊見。即與船戶合謀。以酒醉客。用蒲包繫緊。投入水中而去。此犬即跳上岸。跑入村家。哀鳴不已。若招人走狀。村人隨犬至水邊。犬入水中。啣起蒲包。村人解視。客尚未死。因救醒。仍往祝家。僕與船戶尚未歸。祝家藏客。俟歸時。均獲送官。即正典刑。犬之報恩如是。人有受恩不報者。不愧此犬乎哉。

紹興初。建州甌甯縣婦人湯七娘。本屠家女。亦善殺

牛所殺甚多。後買一牛於野外。去家稍遠。乃跨之以歸。忽臀髀如繫不可動。與牛皮合為一體。人鞭牛。婦體亦痛。其家人牽於外。使人徧觀。冀減其罪。經數日而死。此宰牛之報。

吳民有商於楚者。利其同伴之貲。殺而埋之於野。旁有石虎。民將虎推仆其上。謂虎曰。爾知我知。勿語人。虎忽應曰。我不語。恐爾自語。民驚駭而去。後二十餘年。與一少年甚暱。復商於楚。共憇前石虎旁。告少年曰。此虎能作人語。少年詢其故。民不覺頽吐。少年口應而心非。漸與乘隔。至相毆。訖之官。啟石虎驗視。抵罪。計少年之生。即同伴死之日。此其後身也。報應速且巧。可不畏哉。

洞庭東山金駝子。曲如弓。戲稱金錠。慶賀者必邀到門。遠近爭致之。莫不奉金錢。餽酒食。家漸殷。有膏腴之田二十餘畝。里中有力者欲之而未遂。陰唆人與駝子訟。遂傾家。田歸於有力者矣。駝子貧寂無顧問。後至田所。望而興嗟。舊佃鋤於田。相與語。始知致訟者里人也。駝子憤然。自磨利刃。偵視里人動靜。一日

知飲於姻家。候於塗。忽念伊自昧心。負乃我命。擲刃於河。返走。暗中觸橋柱而踣。卧地久之。自覺腰背有異。至家叩門。其妻訝曰。何以亭亭然也。聞於鄰。共走視。果然非拳跼也。遠近傳為異事。稍有周給之者。復小康。深秘。挾刃事。止云得奇方。駝即愈。數月後。里人忽饋遺殷勤。邀至家。治具豐腆。酒既酣。跪而請曰。我年逾五十。一子七齡。昔日嬉於燈下。忽腰背同於君之舊疾。思療之。非君神方不可。願奉百金。駝不敢言。里人笑曰。豈薄百金耶。駝涕泗交頤。里人怪問。駝乃

盡吐其實。則擲刃與其子得疾之夜時刻相合。里人恧然且竦然。相對亦泣。於是載駝之夫婦養於家。還其田。明年里人又舉一子。七齡者死。向非里人急於改過。又安能保其終哉。

秀水屠戶潘琪。肆惡橫行。無孽不作。一日死而復甦。呼妻子告曰。我死在地獄。聞閻君曰。善惡之報。毫釐不爽。但死者受罪。生者不知。良由陰陽道隔。故受者方苦。作者復熾。報應之說。疑而不信。深為可憫。今潘琪罪孽已極。著令暫還陽間。假此一人以警萬眾。遂

操刀自割其腎。曰：此我宣淫之報。自斫其手足。曰：此我屠宰殺生之報。自剖腹剜心。提出臟腑。曰：此我陰險殘賊之報。一時喧傳。觀者如堵。言訖而死。

四川南充縣光棍王尚奇。包攬詞訟。一妻二妾。俱無子。尚不知悔。家萬金。承繼堂兄尚德之子名占元。入武庠。人皆以老太爺稱。尚奇自此威風愈大。交結公門。倚勢害人。真有移山倒海之術。又開客棧。盡寓些官司詞訟之人。其子占元。初本天性純樸。見父不良。屢屢諫勸。弗聽。且訓其子曰：我家榮華富貴。誰不誇

獎。你平日說甚麼陰騭德行。這些事迂闊所為。今世有錢的能高三輩。有勢的鬼服神欽。父所行為。無不順意。人皆稱為老脚色。枉有頂戴。誰個怕你。又怒道：娃娃與老子爭氣。到後來是個世襲光棍。豈不好麼。占元聽了這段話。就把天性壞了。一切非法。無所不為。適非門有徐占教者。因戲誤殺妻。求計於尚奇。尚奇假嚇道：好容易律載無故殺妻。罪該斬首。占教道：如他人則難。你王老太爺總能起死回生。遂獻金五十。尚奇少之。又許百五十金。尚奇細說道：你明早

手拈香燭立門外。假作你妻生子。見有年貌相當之人。就說是他逢生。邀他飲酒。哄進殺之。出報雙頭案。官還有賞賜。占敖拍手稱善。不料王占元在鄉唆訟。是夜在他姑爺朱朝玉家歇宿。次早進城。路過占敖門首。被他哄進殺之。將雙頭報官。官即責打二十。賞錢四串。將頭懸掛示眾。尚奇聞事行。意氣洋洋。向前看時。大喫一驚。乃是自己的兒子。又不便明說。止得含淚轉去。人傳王占元昨夜犯姦被殺。朱朝玉聞之。速至王家。言占元昨在我處宿。忿得犯姦。其中心有原故。尚奇悲而不答。朝玉即與尚德具實稟明。縣官提占敖問之。占敖將殺妻求計。及尚奇得銀主擺訴。明隨即拘尚奇到案。罵云。本縣訪聞你包攬詞訟。罪惡貫盈。這是天理報應。自取滅亡。命重責一百。枷號示眾。凡受其毒害者。無不唾罵。月餘。自將舌条咬斷。口流鮮血而死。其後妻妾被人拐去。媳婦為娼。世之刁唆詞訟者。可不借鑑而改之哉。

藥方目錄

婦人氣痛

白喉龍

婦人年老頭痛心逆

瘍疾二方

目疾雲翳不消

目視不明

風熱目疾

哮喘

小兒潮熱咳嗽氣喘

咳嗽并老咳嗽各一方

風溼兩足不能舉動

風濕徧身疼痛

手足風溼痛

膝痛足痛各一方

疝氣少腹痛三方

痲病陽物潰爛二方

癬瘡

疥癩癢甚

癰疽潰爛

脫肛

黃腫病

婦女心慌

大腸下血

戒洋煙癮

癆病

雙目青盲

風熱弦眼

瘧疾二方

頭頂風癢

頭瘡爛癢

吐血兼衄血肺家之血

脚指間濕氣潰爛

腰疽潰爛

腎子氣腫

久患寒瀉白痢後重

鼻塞

保產萬應

加味芎歸湯

佛手散

生化湯

當歸補血湯

通脈湯

達生散

秘傳小兒驚風散

保嬰出痘

稀痘臍帶

臍風三方

撮口臍風

瘋犬咬傷

咽喉腫痛

牙痛

時行痢疾

效利回生

卷四

六二

治痢奇方

頭痛并偏頭痛各一方

疔毒

截三陰瘧

無名腫毒

毒蛇咬傷

蜈蚣咬傷

火燒破爛

跌打損傷

刀傷

金瘡鉄扇散

婦人赤白帶

丁灰散

通神散

決明夜光散

小兒慢驚風

婦人乳病

小兒疳積

藥方

一治婦人年近五十者凡因生育過多血氣虛損氣痛方

真阿膠三錢外用當歸一錢川芎二錢煎水蒸膠

用酒兑服數次忌食寒涼

一治白喉龍方

生菜豆一合搗絨用井泉水調取極濃汁一杯外

用甘草五錢山豆根五分射干五分金銀花一錢

煎水冲服

一治婦人年老久患頭痛心逆方

鴿子一隻當歸二錢川芎一錢砂仁五粒用紅棗包煨去棗再用胡椒一歲一粒交放鴿內蒸服將胡椒砂仁二味留出候乾收好倘病發時辦方不及取胡椒砂仁共十數粒搗碎開水冲服

一治瘍子方

鼻涕蟲三条此蟲一名無殼蟲一名蟒蜒蟲俗呼牙沉婆是也青銅錢三箇交搗以銅化不見點患處自愈

又方

剪刀草煎水常服 此草與慈菘葉相似田中多有之

一治久患目疾雲翳不消方

青皮一錢朴硝一錢葶薺十五枚木賊草一錢冬桑葉十一皮煎水誠心向東方日洗三次再取鷹眼珠中水點之無不復明

一治目視不明方

白菊花一錢葶薺十一枚木賊草二錢旋覆花一錢

冬桑葉二十一皮朴硝五分煎水朝東每日薰洗
三次再用夜明砂五錢蜜蒙花一錢煎水蒸豬肝
四兩先薰後服多食自明

一治風熱目疾方

白菊花二錢生地五分牛子五分密蒙花一錢
寸冬五分歸尾一錢生姜三片煎水先薰後洗

一治哮喘方

蘇花二錢煎水沖雞蛋連服三次 再用豬肺管
七寸飴糖一兩蘇子一錢生姜五片搗碎均灌入

肺管內外用桑白皮一兩煎水煮服三五次自斷

一治小兒潮熱咳嗽氣喘方

杏仁三粒去皮尖芝麻一匙白蜜一匙五味子五
粒以上均搗碎交蜜拌之外用真紅胡五分生姜
三片煎水沖服

一治咳嗽方

荊芥二錢梔仁一錢紅胡五分陳皮二錢五味子
三錢煎水沖雞蛋服七次

一治老咳嗽方

一治風溼偏身疼痛方
豬肺管一尺天丁十七箇刺管內冰糖一兩灌管
內外用側柏葉一皮陳皮五分杏仁二十枚去皮
煎水煮服七次

一治久患風溼兩足不能舉動方

金剛薊根四兩全身紫蘇一槐再取山中或土上
或石上之精苔此味乃土石之精餘也宜取淨處
者方好有微毒用水洗淨四兩加宣木瓜二兩共
煎水宜多沐浴多出汗為佳

一治風溼偏身疼痛方

石菖蒲四兩全身紫蘇一槐生姜四兩升麻二錢
煎水沐浴總宜多出汗為佳

一治手足風溼痛方

葳靈仙一兩秦艽二錢地骨皮三錢煎水外用苡
米一合糯米三合將藥水煮粥服五次

一治膝痛方

石楠藤二兩葳靈仙五錢煎水煮豬蹄筋四兩服
數次自愈

一治足痛方

大稱筋草一兩望冬紅一兩宣木瓜一兩煎水再用豬蹄二箇苡米三合用藥水煮服五次自安

一治疝氣少腹痛方

火硝二錢胡椒一錢硫黃一錢枯礬三分預備研末候發時用燈芯煎水沖服不發則不可服

又方

天丁二錢去尖荔枝核二十四枚搗碎鹽水炒

小茴一錢川練一錢火藥一茶匙煎水外用糯米

三合將藥水煮粥服三次不可常服

又方

百節藕四兩即三八草萆薢一兩甘草二錢澤瀉

一錢火硝一錢川椒一錢荔枝核五十枚搗碎鹽

水炒用長流水煎好再用豬腎五條將藥水煮服

五次

一治久患痲病陽物潰爛方

野菊花四兩白菊花五錢紫蘇五錢煎水洗後用

水粉枯礬各少許交滲之

又方

取池塘內久浸之竹用刀欲斷其節內有水取之
用冰片三分交投之自安

一治癬瘡方

桂圓核以醋磨搽之

一治疥癩癢甚方

蘆薈五錢 川練三錢 黃丹五分 枯礬三分 共研細
末麻油調擦

一治癰疽潰爛方

小鯽魚一尾去盡腸勿用水洗外用枯礬一分

黃丹五分 冰片二分 白菊花二分 均放魚內用陰
陽瓦焙枯存性研末用金銀花甘草煎水洗後將
此末藥滲之

一治脫肛方

升麻五分 生黃芪一錢 俱用醋炒水煎服五次

一治黃腫病方

黃花茵陳五錢 白花茵陳五錢 煎水外用 苡米一
合 糯米一合 東瓜仁一杯 將藥水煮粥服之

一治婦人心慌方

豬心一箇剖開勿用水洗用硃砂五分白蠟二分
灌入心內再用當歸三錢川芎一錢煎水蒸豬心
服三次自安

一治大腸下血方

絲瓜梔五箇焙枯存性研末葶薺三十枚搗爛取
汁一茶杯再用絲瓜梔末開水泡沉清兌葶薺汁
服用酒兌服亦可

又方

豬小腸八寸將白蓮肉去心不去皮灌滿腸內外

用紅花五分槐角十四莢藕節九箇煎水煮腸極
爛服五七次自安

一戒洋煙癮方

台黨參五錢甘草四兩公丁香三粒生芪五錢醋炒
旋覆花一兩化橘皮一張升麻五分醋炒若大便滯澀
加火麻一錢體虛者補藥隨加外用冰糖四兩生
姜半斤用好酒十斤五斤泡藥五斤外放將藥酒
幾杯兌白酒幾杯照前食煙之癮次序服之如現
有癮加廣灰五錢以毒還毒免生他病

又方

甘草四兩 粟殼二兩 洋參三錢 旋覆花一兩 用酒二斤泡之 外用好酒二斤服一杯 見一杯於藥內 可保安然 此方取名守心丹 總以守心謹記之

又方名保心丸

甘草四兩 花椒二兩 砂仁一兩 陳皮八錢 用水煎濃汁加煙灰五錢 交熬成膏 每飯前用紅糖生姜開水沖服

一治癆病方

紋銀一塊須按其年之外用碗裝之 接童便一鍾 再取藕節一歲一分用泉水煎至一碗為度 又用大全身當歸一枝三兩再用陳酒半斤煎濃汁作三次 免前藥服之

一治雙目青盲方

白菊花煎水薰洗多次 再取雄瓦雀糞尖而堅者是雄不拘多少用葶薺十一枚搗碎取汁用甘草錢煎水 共葶薺汁將糞泡一夜取之 熬乾渣研細用婦人初生小兒之乳一杯交蒸用燈芯蘸點之宜多次

又治風熱爛弦眼方

銅綠 三錢 用蜜調和敷碗內將碗覆放瓦上用艾絨燒煙薰之以銅綠焦黑為度再用葶薺 三枚取汁調前藥用人乳交蒸點之 再用生地 錢二熟地 錢二 川椒 並一錢去仁 木賊草 錢二煎薰洗之服之亦可

一治瘧疾方

大蒜子 七箇 紅糖 三錢 白糖 三錢 將此三味共搗極爛用酒三杯調之再用栝榔 二錢 草菓 二錢 常山 一錢 生姜 片一大煎水預備候將發之先用此水

免前之糖酒熱服宜卧出汗則妙 二次加紋黨

一錢三四次加蜜芪 一錢 附片 一錢 乾姜 五分照

法三劑無不效驗

一治頭頂風癢方

花椒 三錢 艾葉 一錢 枯礬 三分煎水洗數次自愈

一治頭瘡爛癢方

蘆薈 五錢 川練 三錢 黃丹 五分 枯礬 三分 研細末 麻油調擦

一治吐血兼衄血及肺家之血方

寸冬二兩煎水再用女血餘五錢燒存性外用當
歸五分川芎三分交血餘灰候發時開水交寸冬
湯泡服

治腳指間溼氣潰爛方

黃丹五分輕粉五分雄黃五分再用麻油一兩黃
蠟五錢交油溶化入前藥拌勻成膏攤貼數次

一治腰疽潰爛方

豬腰一箇剖開鯽魚一尾去腸再用末藥乳香
金銀花勿用水洗枯礬勿用水洗黃丹勿用水洗冰片七分將藥灌入

腰魚內用醋一鍾煮乾取出用陰陽瓦焙枯存性
研末溲之

一治腎子氣腫方

草薺二錢生芪一錢五分川練一錢小茴一錢橘核錢半
升麻五分車前子二錢甘草八分谷皮樹葉七皮
姜三片外用荔枝核一粒用鹽水炒三次研末再用
肉桂九分老絲瓜一條焙枯為末均作三次分之
將前藥煎濃兌服

一治久患寒瀉白痢後重方

當歸 五錢 附子 三錢 羊肉 半斤 交煮連服多次

又方

硫黃 一兩 附子 五錢 干姜 三錢 丁香 五粒 煎服二
三次再服 附子理中湯加升麻 醋炒

一治鼻塞方

葱 二寸 將麝調水入葱內 將葱插鼻中 三次即通

附錄經驗良方

一保產萬應方

治向有難產 或慣滑胎 或偶動胎氣
如有胎七八箇 月每月 腹痛 或血不止 勢欲小產
一劑臨產母子平安

全歸 錢半 川芎 錢半 兔絲子 錢半 酒芍 一錢 川貝

去心 蜜芪 八分 荆芥 八分 蘄艾 六分 厚朴 七分 姜汁炒

川羌 五分 枳壳 六分 甘草 五分 姜 三片 預服者

空心溫服 臨產安胎者 隨時熱服 人行五里即下

一加味芎歸湯 治交骨不開 產門不閉 活胎即生死

當歸 一兩 川芎 七錢 龜板 醋炙 研碎 婦人髮 子如雞

一團瓦 上焙存性 水 佛手散 治胎六七個月 因事跌磕 傷胎 或子死腹

冲心者 服之 疼痛 胎即安 死胎 即下 又治 橫

生倒產 發熱 頭痛 退敗 血生 新血 諸病

當歸 五錢 川芎 三錢 水七分 酒三分 產如橫生腹倒

中加水馬料豆一合 鍾煎熱滓 痛惡露不行血氣暴虛保產

一 生化湯 治產後兒枕連服三劑永杜產後百病如

口渴加麥冬五味子 傷食加山查參牙

川芎 一錢 當歸 五錢 炙草 五分 炒乾姜 冬五分 夏四分 桃

仁 至一粒 滾水 泡去皮 研碎 加陳酒 半盃 水二碗 煎

一 當歸補血湯 治小產後身熱面赤眼紅口渴 渴

蜜芪 一兩 當歸 三錢 水二碗 煎至一碗

一通脈湯 治產後乳

生黃芪 一兩 白芷 五錢 當歸 五錢 七孔猪蹄 一對

煮湯吹去浮油煎藥一大碗服之覆面睡即有乳

未效再服 壯者加 矣。新產無乳不用猪蹄煮

紅酒各半 體壯者加 矣。新產無乳不用猪蹄煮

一 達生散 治久慣小產 孕至三月後常服之臨產前

一 錢 難產 諸症 秋葵子 六分 炒臨盆時加秋葵子

蘇梗 錢半 當歸 一錢 白芍 二錢 甘草 三分 川芎 一

酒炒大腹皮 一錢 黑枳壳 一錢 焦木 一錢 陳皮 八分

川貝 二錢 葱頭 二箇 煎服 治嬰兒出胎開乳之前先

一 秘傳神效小兒驚風散 治永無驚風之患痲痘亦

微輕

甘草二分 硃砂一分 生大黃三分 沙糖一分 共為細末 用黑水化調 為一茶匙 作兩次 溫熱灌下 如未服 此為忽發驚風者 服此一劑 即愈 屢有驗

一保嬰出痘方

銀花一錢 紅花一錢 桃仁一錢 生地二錢 芥穗一錢 赤芍二錢 當歸二錢 甘草五分

右藥八味 秤足 用水二茶杯 煎至一酒盃 再用小兒本人 落下臍帶 約二三寸 用瓦焙乾 研末 入藥 儘一日內 與小兒服完 先日服藥 次日 出痘 三日

收功不灌漿 不結痂 要在小兒初生十八日內服之 有效過期不驗

又稀痘臍帶方

臍帶乾落 安淨瓦上 四圍以炭灸之 令烟盡 勿使成灰 取起 以碗覆地上 良久 去火毒 研極細末 每一分 加辰砂半分 共研 次日 以乳汁調 搽兒口上 臍并搽 母乳頭上 令兒食乳 一日內 作二三次 服盡 次日 泄下穢濁 永不出痘 要在小兒初生十三日 服之 有效 煎濃汁 調搽 不用乳汁

一治臍風方

生黃柏 五分 生蒲黃 五分 淨青黛 五分
右三味共研細末用冰片 三厘 硼砂 五厘 人中白
三錢 調前藥末搽牙根數次有効

又方

大黃 五分 枳壳 五分 木通 五分 檳榔 五分 鈎子 七
連翹 五分 姜虫 五分 甘草 五分 燈芯 一九

又方

生薑 三片 葱腦 五箇 田螺 五箇 萊菔子 一撮 麝香 三厘

右五味共搗爛放滿臍旁札敷半時立効

一治撮口臍風方

直僵蠶 三條 沙去絲研細末用完全葱二根搗
灌兒口內又不用調 蠶末塗母乳上令兒吮之或
葱只用蜜調亦可
一治瘋犬咬方 此方屢試神效

蒼朮 一錢 厚朴 一錢 朱苓 一錢 白茯苓 一錢 澤泄

一錢 蟬退 一錢 連鬱金 五分 明雄 五分 辰砂 五分

志肉 一錢 胆星 五分 陳皮 一錢 甘草 一錢 薄荷 錢

棗仁 炒八分 研分

右共十五味配足研末用開水泡之候溫連渣服
若煎服須服兩劑一切飲食不忌孕婦被咬者皆
可服此方服下其毒自消絕無痛苦惟先服他藥
者萬不可服搗爛熬酒用枸杞根一味即地骨皮
患

一治咽喉腫痛方

燕子泥 雄黃

二味等分用燒酒和勻作餅令卧喉外敷之涎出
口開再用陳壁土煎湯一碗澄清飲之雙鷺單鷺

皆有效雄黃恐難猝辦單用燕子泥亦可如無燕
子泥即用粗紙數張以燒酒浸濕貼喉外隨乾隨
換此以熱導熱之義也百發百中切勿輕視

又方

熟石羔 錢半 硼砂 一錢 焰硝 五分 胆礬 五分
元明粉 三分 冰片 二分 右五味共研細末吹之

一治牙痛方

石羔 五錢 煨 北防風 錢半 芥穗 錢半 青皮 錢半 生地
三錢 丹皮 錢半 甘草 一錢

上 前門牙痛 腎心火加 黃連二錢 寸母冬二錢
 下 兩旁牙痛 脾胃火加 川芎二錢 白芷二錢
 上 左盡牙痛 胆火加 羌活二錢 白芷二錢
 下 右盡牙痛 肝火加 柴胡二錢 梔子二錢
 上 面腫風熱 肺火加 桑葉二錢 桔梗二錢
 下 如面腫風熱 腸火加 大黃二錢 桔梗二錢
 如面腫風熱 加五加皮二錢 如滿口皆痛重用
 焦惟孕婦不用大黃慎之慎之俱用燈芯為引
 又方

一治時行痢疾方
 用胡椒末以膏藥貼患處起它風熱自散
 疾此方名藁本尋源腸專治時行痢疾紅白雜粘腹中絞痛裏急後重

禁口發熱以及腸風下血傷暑停食瀉泄等症服
 分新久老少寒熱虛實胎前產後痘後麻後依服
 三劑無不愈者

藁本 三錢 槐米 三錢 神曲 三錢 羌活 三錢 川朴 一錢
 三分 防風 三分 山查 三分 麥牙 三分 地榆 二錢 檳榔 一錢
 八分 蒼朮 三分 甘草 一分 生薑 三片 普洱茶 三分
 如無以家如心中煩熱加淡竹葉一錢七分 川朴
 園細茶代如心中煩熱加淡竹葉一錢七分 川朴
 蒼朮均用黃連噤口不食加黃連一錢純下血痢
 槐米久痢數月不瘳者加石榴皮五分 傷暑瀉
 加倍久痢數月不瘳者加石榴皮五分 傷暑瀉
 泄去地榆加朱苓澤泄各一錢

此方末水鍾燧民先生家傳性極平和妙處只在藁本一味已用廿餘年到處見效

又治痢奇方

蘿蔔種槐 大青葉 田菊花 白絲毛根 稷

草心 右五味等分煎服神效屢驗

一治頭痛方

川芎一錢 茶葉二錢 水煎服

一治偏頭痛方

蘿蔔汁一錢 和水片少許 昂頭灌入鼻
中左痛灌左右痛灌右神效

又方

川芎一錢 白芷一錢 羌活一錢 防風一錢 芥穗一錢

薄荷一錢 甘草一錢 香附二兩

右八味共研細末食後茶調服

一治疔毒方

白菊花葉連根用搥取自然汁一茶鐘滾酒免服

用酒煮服亦可不如生汁為妙渣敷患處留頭不

敷蓋被睡卧出汗其毒自散無論生在何處氣雖

將絕亦可起死回生至穩至便至靈諸方皆不及

此不可遲疑自誤無葉用根如無即用藥店中乾
白菊花四兩少甘草四錢酒煮溫服亦可

又方

紫花地丁一兩白礬三錢甘草三錢銀花三兩煎
服各疔諸効有人生紅絲疔已走至乳旁服之立
愈真神方也

一治無名腫毒方

此方名降癘活命飲治一切無名腫毒無論陰症
陽症初起能益氣和血解毒託裡破後能排膿去

腐生肌瘡科始終之聖藥產後生癘毒者更妙

大當歸八錢生黃芪五錢金銀花三錢甘草三錢

酒煎濃汁服服後卧出汗即愈

毒在上加川芎二錢在中加桔梗二錢在下加牛

膝二錢瀉泄加蒼朮白朮各一錢嘔吐惡心加陳皮

法夏各二錢不思飲食加白朮三錢陳皮一錢氣虛加黨

參生芪各五錢陰疽肉白色淡無論冬夏加陳皮麻

黃各六分肉桂炮姜各錢斷不可妄行加減排膿加

白芷三錢欲破加皂刺錢半

一治瘡疾方

九瓣大蒜一個搗溶打雞蛋一個於內攪勻滾燒酒沖服再摘桃葉尖七皮搓丸塞鼻分男女左右即離原卧房一宿永愈

一截三陰瘧方

胡椒三錢研細末用砂糖少許和勻先一夜入臍內用布包緊至次日去之即愈

一治毒蛇咬傷方 扁豆葉搗爛敷之

又方 蚯蚓屎和食鹽研敷神効

一治蜈蚣咬傷方

生甘草嚼爛敷患處神効

又方 獨蒜搗爛敷之

一治火燒破爛方

用石灰一杯開水一杯沖之澄清取水再將茶油半杯入水中調濃搽患處極効

又方 桐油調大黃末敷之

一治湯火傷方

雞蛋清 柏葉汁 麻油調勻敷患處即愈

一治跌打損傷急救神效方

當歸 五錢 澤泄 五錢 川芎 三錢 紅花 三錢 桃仁 三錢

丹皮 三錢 蘇木 二錢 酒水各一碗煎八分服如頭

頂傷加稿本一錢 手傷加桂枝一錢 腰傷加杜仲

一錢 脇傷加白芥子一錢 脚傷加牛膝一錢 為引

此方得之少林寺教師如打死挖得口開灌之即甦真神妙良方

一治刀刃傷方 螃蟬搗爛敷之立效

一金瘡鐵扇散 象皮白龍骨各五錢 老材香如無

年房壁上陳 石灰代之 黑松香 松香 與黑松香同化 白礬 入凉水酒乾

各一兩入 鍋內熬透 共研末 貯磁瓶內 遇有刀石破傷用藥

敷傷口 以扇向傷處扇之 忌卧熱處 如傷處發腫

及結血 茄煎黃連水 用翎毛洗淨 敷藥 此藥効驗

難以枚舉 甚如鬥毆打傷腎囊大小腸出死去者

已見起死回生 救出受傷者之命 則免打傷人者

抵償是救一命而救兩命矣 留心濟世者 預製此

藥以備急用 並治癰瘡

一治婦人赤白帶方

雞冠花 一枝 赤帶用 白帶用 紅花 穿穀米根 紅棗 黑豆

共煎當茶多服自愈

一十灰散治婦人崩症及產後下血過多宜止血者

藕節 蓮蓬 大薊 小薊 艾絨 棕 乾姜

側柏葉 干漆 人髮 各味等分燒灰共研細

末每服三錢童便河水調勻克服

一通神散治小兒傷風感冒咳嗽流涕並驚風臍風

蘇葉 薄荷 羌活 細辛 蟬脫 乾葛根

防風 膽南星 連翹 甘草 各味等分共研

細末用雙鉤子 生姜 燈芯煎水冲服

一決明夜光散治雞盲眼神効

石決明 二錢 夜明砂 二錢 用豬肝四兩蒸服

一治小兒慢驚風方

蘇葉 五分 丹皮 五分 薄荷 五分 伏龍肝 一箇

香薷 一箇 葱 七箇 麝香 一分 共搗爛用好酒調

勻作餅敷臍屢驗

一治婦人乳病初起紅腫堅硬方

白芷 稍 小牙皂 北細辛 各三錢 水煎熱服再

用葱白交前藥渣搗爛敷患處立効

救去回生 卷四
一治小兒疳積方

台黨 一兩 白朮 一兩 云苓 一兩 使君肉 一兩 蕪荑
五錢 蘆薈 五錢 夜明砂 五錢 甘草 五錢
右共研細末蒸糊為丸每丸重三錢日用一九裝
夏布袋內另切精猪肉二兩同放罐內煮湯服之
肉亦可吃忌飲茶

孚佑帝君跋

吾奉

玉皇命飛鸞開化勸醒愚民自今春二

月朔一日與

關公

文帝及諸仙佛赴宴瑤池談及天時
劫運連綿數載殊深浩嘆凡民

救劫回生

卷四

跋

四

猶不知自醒可為流涕可為痛
哭者此也

關公

文帝及諸仙對余曰翁何不速降凡
天可醒人一大夢乎余曰未有
能虔誠扶鸞者

關公又對曰吾自今歲元宵考察人

間善惡得見積慶壇諸生尚存
樸實翁可一降余亦追憶於前
亦得遇諸生曾降有醒世之文
故奉

玉旨來臨聊將俗詩俗語勸戒蒙

玉帝賜名曰修心轉性救劫回生幸我

關公

救劫回生

卷四

跋

五

文帝及諸仙亦飛鸞降筆又有諸生
意定刊刻是書此實天下之大
功事也此書成後望天下凡民
務欲置之案頭時常省察切勿
束之高閣隨處瀆污免干

皇天之怒云此跋

呂純陽鸞書

四海永清萬邦為憲之紀之綱有文有獻惡則
瘳而善則彰人何尤今天何怨化民成俗原為
仁主之心救世飛鸞亦是神明所願觀

聖諭廣訓一冊備極周詳誦感應覺世諸篇無非獎
勸奈何風俗澆漓人心巧詐愈積愈深日趨日
下縱然神顯威靈猶在心疑真假貪婪狂妄天
誅既已難逃奸盜邪淫國法猶無可赦甚痛亂
臣賊子大負君恩深嗟左道旁門不歸王化是
故

上帝隱憂諸神領詔或降於庭或書於廟悉從性命身心宣出詩文歌調言言藥石指明人鬼元關字字珍珠發透乾坤祕竅揭弊如剝蕉抽蘊精而又精傳神似秋水春山妙乎不妙謹勸青年烈士黃卷名流銘懸座右事問心頭悟爾因今歸覺路聽吾勸也上慈舟意摯情深彷彿高堂父母詞嚴義正依稀一部春秋不離誠意正心洵乎妙策即此齊家治國允矣良圖果其士民領畧身體力行朝野尊崇重刊遠佈能苦口以宣

揚自吉神而擁護發五經之奧旨玉律金科明三教之真修鐘晨鼓暮方今

聖天子垂裳端拱願上萬世之書賢卿相呈路馳驅請讀千金之賦

時

同治十一年壬申三月初二夕眾神恭撰

至矣哉救劫回生一書悉

三帝暨

諸仙見世道澆漓人心巧詐不忍生民自罹於劫而不為之救自戕其生而不為之回於是飛鸞顯化降筆垂文然此書之精微奧妙非口能宣是在世之人觸於目而驚於心脩其身以明其性則聖賢之業由此基矣又何患有不孝不弟不忠信者哉情也緣子維斌深沐

洪恩免患難於危險特厘鄙念祈增補而全成邀諸

同志之人為茲勸善之舉故愷亦得與其事而欣然奔走焉竊願此書一出互相勸勉印送流傳庶是書之甚幸者歟

時

聖清同治十一年壬申季春月羅湘任佑愷薰沐頓

首謹識

天下善書多矣而回生一書真神妙莫測此書

始自湖南長沙縣北鄉積慶壇已刊刷行世斌

因事由桃源回梓將前所降各草稿細閱其中

有勸世詩話未及錄刊者意欲錄全次第增刊

躊躇未決未幾仍往桃邑至中途在舟遇盜夢

寐間似有人提撕數次斌醒視篷窗大開羣盜

登舟疾呼之而盜哄然散去始知提撕於夢寐

問者

神明之救斌也至署中與友人劉君陶君商酌設

增請訖叨蒙

三聖親訓賜名全善堂復補降詩文以成全美又因
前稿散雜眉目難清仍歸積慶壇昔所理事者
逐一彙集書成之日

聖帝命跋斌慚薄質菲材不能道其精奧爰述增刊
之故以廣善傳諒天下有心人不以斌言為河
漢也

聖清同治十一年壬申孟春月穀旦楚湘任維斌薰

沐頤首謹識

夫修心轉性救劫回生何為而作乎天下同此
心也人苟存其心自有不修之修天下同此性
也人苟養其性自有不轉之轉有不修之修不
轉之轉則劫無由起又何劫之待救則生無不
遂又何生之待回哉無如有存心者有不存心
者有養性者有不養性者不存心心必壞心壞
則不入正而入邪不養性性必漓性漓則不為
善而為惡此劫運所以迭臨而生靈於以受患
也我

三聖帝存悲天憫人之志抱覺世牖民之懷邀徧

羣仙飛鸞開化無非望人各修其心而心明共修其

心而心益明各轉其性而性見共轉其性而性

益見其救劫良苦其回生良切矣保不敏仰叨

眷顧其奔走有日侍奉有日彙纂此書有日故保

之先人也蒙

錫恩而拔擢保之疾患也賴

賜惠以安全獲益甚多殊難悉數茲當告竣之日

聖帝命保跋其事保實自慚譏劣而

鈞命不敢辭竊願同志諸君子讀

聖帝珍寶之訓奉為箴規體

聖帝慈悲之心廣為傳佈使人人咸知修心者以此

轉性者以此救劫者以此回生者以此則自無

不躋福基而登壽域矣

時

聖清同治十一年壬申孟春月穀旦古潭羅文保薰

沐頓首謹識

著書難立說難著書而使人人知其書立說而使人人曉其說尤難唐虞以來六經尚矣外若子史傳錄浩若江河要以正人心維世道者為重回生一書係

三帝及

諸仙降筆淺之見日用云為之細深之見天德王道之精顯之見父子兄弟之常微之見身心性命之奧此其書為何如書此其說為何如說哉且也稟事則因人設誨立言如見肺肝禱求則隨

症示方奏效真同影響辛未冬^堃患痼疾醫治罔功迄今獲保無恙者皆

聖帝之所賜也書成之日

聖帝命^堃跋其事^堃不肖仰蒙

聖惠銘佩惟有心丹^堃不敏自負愚姿題贈殊慚腹白爰節其未事之實以廣乎樂善之傳願見是書者奉其書以為有生之本聆是說者信其說以為人生之模不認視為荒唐不滋疑於假借則可以體

上帝好生之德而無負

列聖回生著書立說之意也歟

時

同治十一年壬申正月初六沐恩羅慶堃敬識

救劫回生 書同治庚午已刊行世矣然所降
未全僅集一卷越辛未補降全完彙成四卷此
誠盡善盡美也乃原板存於店內牽被火災後
雖翻刻訛字紛紛而做其書以再刊者其訛迂
愈不可言也彼閱之者欲其不生疑議其可得
哉且夫閱善書而不存善念因訛字而生誹議
者固識見之卑不足論也即心存敬畏體貼遵
行而展閱之餘獨不憾訛迂為全美之累乎且
不特此也此書行世僅十有九年而字之訛迂

尚如是若推而至於數千百年後其變易又豈
可得而知耶故急於此時立簿捐貲又幸前積
慶壇理事諸君猶有存者復具稟設壇求
三帝君參閱其後所補降者依次刊之其訓諸生及
土神俗語各祖先名諱宜在就刪之列者
帝君亦削而正之而後始謄真付梓此非獨是書之
幸抑亦天下之幸也豈性不可轉心不可修劫
不可救生不可回哉今告竣非遠恭承
帝命將此事本未贅於書後願天下君子重刊是書

者必須細心校正且勿妄行增減以負

列聖

列仙之苦心也豈不懿歟

時

聖清光緒十四年季春月穀旦沐恩理事人薰沐頓

首謹識



後序

夫因果之說仙佛之事儒者之所以不侈言者以謂
 渺而無據雖足藉為懲勸之術亦深恐啟後世媚神
 祈福之漸而失其好善之本心古昔聖人垂六經以
 訓萬世亦教人以善而已自倫常綱紀之大日用飲
 食之細莫不有理道存焉上自天子下及庶人範圍
 不過曲成不遺奧旨精言經緯天地炳若星日賈哉
 至矣逮乎末俗人心不古機械百出情偽萬變世創
 其劫人戕其生未繇救之奚以回之而一二微識之

來去回生

卷四

九

士迺援為善獲報之說以重趨避呼籲神祇示人陰陽禍福前因後果有捷如影響者亦駸駸乎二氏輪迴之說之弗可測已救劫回生一書人謂自

神仙飛鸞降筆而成詞意淺顯可喻顛蒙而搢紳先生之倫皆能奉為著蔡以謂脩心轉性之功效足以輔翊經傳何其神也竊按篇首有

玉帝恩例十數條如求壽求超度求嗣息求科名求消罪愆求免疾病求釋前生冤孽求免爭訟刑獄以及脫離苦海諸事凡有祈禱某事印送若干部某事

印送若干部照例賞准施行

玉帝之恩豈不大哉第按求壽一條言父母己身兄弟妻子朋友皆可具求而年及七十外者便不准具求此不可曉也夫皇古稱萬有千歲者無論矣商周耆老或數百歲或百餘歲他若耄耋期頤之壽則時有之自是仁壽之徵豈今世七十以上者之身心性命與人人殊耶不必求可也不准具求似狹恩也求而無驗似賈欺也

玉帝好善之心與好生之德斷未有私於年少而反

新於老成一夫不獲聖人引以為憂設推而放之億兆生生無已之人各挾此願而遂所求或壽歷千百而復希冀於長生不死勢將含生抱質者彌滿於洪荒不亦異哉此外各條亦皆斯世之深中於人心者蚩蚩橫目之眾善念甫萌輒冀得赫赫在上之天冥冥中不可知之神以鑒吾誠而償吾欲也朝耕而期暮穫一施而望十報甚至乞腦剜身干求而卒不得彼其於天何哉今夫三家之市利桁鐺銖或百錢通負怨及孫子若通闌貿易壞貨山積動逾千金則

百錢之有無有不暇計較者矣富商大賈黃金百萬公私流行則數十百緡之費有不暇計較者矣均是人也所操者大猶有不暇計其小者况天之所操尤大而於世人毫末之善必一一登諸簡記而謀所以報之豈不降鑒之甚勞哉商之貨殖同時同而或贏或絀事神求福之心願同而或應或否夫亦視乎其本原耳易曰積善之家必有余慶積不善之家必有余殃其所由來者固遠人亦自積厥善毋為不善而已殃不可避慶顧可驟期哉夫惟至誠盡性致命參

贊化育斯能德動天地是故宣聖疾病不嘉門人之
禱武王弗豫特啟金縢之書不侈言祈未嘗無感今
之君子出於誠求而獲響應者蓋亦積善足以自致
之非能有所要挾而然神在天上譬如水在地中無
所不際隨地而涌適求適應理或有相因者同邑方
君辰生德性堅定樂於為善誠篤君子也頃因其妻
屢孕不育久抱沈疴迺禱於
玉泉山觀世音菩薩之神前援例叩許印送此書一
百部廣為傳播既蒙

神佑上荷

天恩感應之機殆同操券願言頌德以志弗諼爰屬
章煖為文以識於後因為粗發其端幸世之君子以
省覽焉善化張章煖撰

光緒壬辰歲秋七月穀旦沐恩信士方綏猷敬刊

火德真君避火符

吁嗟乎火帝來也吾連年奉旨遍處行劫傷心慘目果何
忍也賞善罰惡不得已也受害者恒謂小仙無情何其謬
也謬者何小仙正有情也情何在小仙可以辨也試看風傳火
令無敢妄也火趁風威有所主也念寸草之有分信一炬之
應然我嘗身臨當境見彼遭几者萬貫資財倏成灰燼携男
抱女搶地呼天汲盡井泉火光益猛助將風勢火焰歡騰萬人叫苦
四隣驚心是誰之不情也小仙之心何如此之毒也小仙之心何如此之
刻也甚有寅夜夢熟無名火起歎性命之攸關奪死生于片刻驚

覺者魂飛千里燒傷者屍化三更一片濃烟不堪舉目兩行血淚寔
覺傷心被難者痛不欲生救災者見皆慘目是誰之無情與天
地有好生之德神仙以慈悲為主小仙果何神也果何仙也而慈悲
果何在也慈悲之心轉為暴虐之心小仙又何忍也誰無情是小
仙無情也念自承勅以來身心踈踏曉夜驚惶輕則焚薪敗屋
重則遍野連城火龍馳驟火燕紛飛光透三霄山皆赤壁嗚呼
噫嘻小仙不得已也惟其不忍對暴虐之景發慈悲之心我是
以來降鸞也來垂訓也來授以避火符也仁看萬民樂業五穀
豐登永無水旱之災長見太平景象小仙快也爾民樂也是

吾之本願也小仙之心慈悲心也以慈悲之心傳慈悲之訓故將避火
符明示宇宙嗣後有患此災者可以咸佩此符符何在不必謄黃也
不必硃書也符在各人心也火何以避惟孝悌惟仁義火何以興惟
背逆惟刻薄廣行陰騭火光遠避褻瀆天地火焰齊來小仙
之火令並無耳目不畏勢力不畏富貴不畏豪傑不畏英雄不
畏長鎗短劍不畏畫閣朱樓不畏奸臣逆子不畏珠寶金銀
若爾言之小仙是無情也而不知小仙之令更有深畏者也畏者
何畏孝子畏忠臣畏仁人畏義士畏忠厚畏陰騭畏道德
畏禮義不但畏而猶得敬也試看當火災叫苦之時雖房連

春牆連邊片磚塊瓦無敢多傷應其分萬金立盡非其分寸
草難燒是誰之不情也今將避火符闡明宸海願天下咸
欽佩之小仙實本無辜目今以往亦可以謝此不情之名也
此篇避火符是

火德真君親降壇垂訓普勸士農工商人人敬而信之遵
奉行之不惟水火諸災可免即福澤利益亦必
綿長矣務乞
敬惜字紙是為切要切禱切禱

善士助資名列於右

京嚴吉人 助洋貳元

吳嚴麗生 助洋伍拾元

勃馮壽桐 助洋伍元

燕李丹丞 助洋伍元

鋤經堂 助洋陸元

玉德堂 助洋陸元

太協成乾 助洋拾元

京廣源號 助洋拾元

吳郡繩武堂

助洋拾陸元

共計洋壹百壹拾元

刻板工價銀 英洋壹百元

隨刷印書伍百伍拾部工料 合洋壹百元

承辦 燕梁廷棟 山傅青雲

各助洋肆拾伍元

今將

光緒戊子年重刻板費

皖善士助資名姓續

捐名列後

唐守和堂捐錢五十串文 羅種福堂捐錢十串文

黃養和堂 蓄德堂 艷汝霖 各捐錢五串文

吳寬厚堂 石永陽 易峙山莊 各捐錢四串文

萬義錢店 廖春軒 何世喬 易雲翹 易少樵

以上各捐錢三串文 李佛翼 顏泰順 楊易氏

以上各捐錢二串文 何四知堂捐錢一串六百文

羅五福堂 袁積善堂 各捐錢一串五百文 唐

仁厚堂 恭壽堂 陳樹蕙堂 周以仁 馬德齋

改刻回生

卷四

巨

李文炳	李文炳	李堯章	李逢吉	王清樓
補天石	東協盛	三讓信記	劉聚茂	吟香閣
羅瑞林	彭澤堂	劉春棠	王清槐堂	戴裕厚
六百文	無名氏捐洋銀一員	江月卿捐錢五百文	何滌凡	李少先
易玉林	壽山堂	袁特臣	以上各捐錢一串文	陳匯湘
劉尚鶴	王德華	張德生	李印潭	羅金懷
李載田	彭克展	羅春泉	鶴鳴	熹堂
			忠堂	

吳桂林堂	劉最樂堂	易忠齋堂	易保元堂
李華甲	黃桂林	以上各捐錢四百文	李仔增
趙如九	李玉桂	袁慶光	吳錫昌
各捐錢三百文	易常志堂	捐洋銀三十員	各捐錢三百文
李永和	泰和	積成	袁天順
袁東海			
任古風堂	捐錢三十二串文	羅思敬堂	捐元
銀五兩	存誠堂	端本堂	各捐錢五串文
合興堂	捐錢四串文	主敬堂	三慎堂
各捐錢			
三串文	仁壽堂	羅金鳳	各捐錢一串文

羅建業堂

敏慎堂

凌雲堂

各捐錢四百文

羅春華

捐錢六百文

周種福堂捐錢二串文

易莘記捐錢四串文

陳超記捐錢五串文

燕山張慶雲誦惜此書誠祈者無不應

響今敬謹捐資重刻隨刷印書四

百部為求增福祿壽永培世代綿

長並另印送書壹百貳拾部虔祈

諸神聖默佑添增雲母親益壽延年消災

免難福壽康寧仰瞻應

響音為此答報耳愿有仝志者深鑒焉

山東登州府福山縣唐正述中因五月二十八日寅時慈母王太君新逝嚴

父鬱疾未痊叩許印送救劫回生七十部

餘慶堂張敬施一百部祈求閣家平安

光緒二十年十二月隱名氏刷印救却回生一百部



